


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 7 1940

29

T 3194/4634.85

Table with 4 columns and 10 rows of faint Chinese characters, likely bleed-through from the reverse side of the page.

|     |     |     |     |
|-----|-----|-----|-----|
| ... | ... | ... | ... |
| ... | ... | ... | ... |
| ... | ... | ... | ... |
| ... | ... | ... | ... |
| ... | ... | ... | ... |
| ... | ... | ... | ... |
| ... | ... | ... | ... |
| ... | ... | ... | ... |
| ... | ... | ... | ... |
| ... | ... | ... | ... |



吉安府志卷五十

人物志

孝友

國朝

張其完

劉業廣

劉紹篁

劉彬宇

上官肅

歐陽崑

蕭元薦

劉秀雲

吳策

楚之珩

附弟瑾等

彭溥生

羅錫榮

附錫乾

胡泰階

王賜驥

劉允升

張之宿

段子章

梁子興

謝瑞徵

郭啟貢

方定憲

龍吉景

附益舜等

龍水慶

李慶蕃

劉焜

龍芝珂

袁化遠

彭慶增

附尚德

蕭士諫

陳廉

黃伉生

附象珮

尹是瑚

姚舜情

附開芳

黃英

王由義

哈佛大學漢和圖書館珍藏印

匡自天 羅大振 王道祉 張繩孫 王鼎魁

顏廷瑞 康志忠 彭德瀾 張可宗 劉隱山

王爵賓 劉永吉 蕭士芊 附尹汝槐等 周永珍

胡禮 藍起鵬 鄧士璣 劉服在 解貞讓

郁釗 周繼光 康仁龍 李學經顏兆富 陳忱

王九芸 倪重陽 陳文爵 陳有奎蕭策奇 劉景渤

郭開圖 周祖慶 雷承棟 李承松 彭焯

盛國宜 李恆壽 附仲兄恆寅 蔣冠乾 蕭與賢 弟與權

曾益良 黃文昭 文成昭 解祖謨 附子貞靖 劉生達 劉廷簡

周世達 梁漢 郭雯 王啟璉 陳試元

羅赤城 劉世德 曾應選 劉光秀 劉國杰

朱天瑞 謝崇祐 戴光前 蕭學文 王志珍

唐素安 附列四十三人

國朝

張其完字璧卿廬陵人事親孝事諸兄篤恩義父病革遺命諸子析箸其完以數世同居不忍分爨兄疾嘗藥侍膳無間晨夕歿為立嗣以子貞生貴封奉政大夫

劉業廣字爾勤安福人順治戊戌進士少失恃事繼母極孝家貧出授徒每月析修金寄其婦日持其一市甘旨丁亥父喪適兵至其鄉見業廣衰經抱木主而行曰是孝子也乃得免

劉紹篁字公允萬安人邑庠生少孤初娶室稍違母色即

遺之母歿終喪未嘗見齒生平擇交遊慎然諾尤嗜讀書沉潛心學

以上縣志

劉彬宇萬安人少孤順治初山寇發擄其母彬宇年十七泣隨之賊斫其臂不懼中途母氣憤投水彬宇殉焉賊感動救援釋歸時隣母陳氏亦被擄彬宇代求釋賊索金歸告其子踪跡至萍鄉贖之母歿彬宇廬墓三年

新增

上官肅吉水人弟止父龍為浙江開化令乙酉十二月

大兵將臨吉水里人構龍率先歸順執龍就戮二子泣控願以身代不許既戮龍叱二子使去二子曰父戮矣子豈忍猶生同日死之順治四年巡按董成學以一門忠烈旌其廬

歐陽崑字次天安福人父自操年及百歲崑色養猶孺子母歿時崑奉柩葬母獅泉阡柩過山麓遇虎咆哮輿櫬者悉遁崑抱母柩哭之哀虎徐徐去妻毛氏當姑病時請以身代姑崑母旋愈毛氏無病而終

蕭元薦字台初廬陵人三歲失怙恃依於叔父攻舉子業妻王氏三年皆食其家計日償直叔卒叔母遇之無恩薦既析箸益無隔粟自傭書婦紡績不數年生計漸裕叔母罄乏且無子薦率婦養之奉侍加謹兄祈幼年披緇結茅菴於值夏老病無所歸薦迎之至家養葬如禮劉秀雲吉水人順治間年八歲父母俱亡葬之日流賊突至衆俱逃兄弟三人共守棺前賊殺其兄弟劫秀雲去

走閩廣十餘年至庚子還家屋宇灰燼訪得父母墳墓聚土為廬耕荒度日獨居三年乃歸卒年八十五吳策字布方永新人天球子由明經例授主簿以母老辭不赴選侍養二十餘年兄弟亦各敦同氣之好喪葬無違晚年謹跬步羞干謁

楚之珩字白也廬陵人負才多奇氣性至孝其父素峻急珩宛轉怡愉得其懽心居喪哀毀弟瑾邑諸生以先世多櫬未葬年四十猶不娶葬而後娶兄弟皆友愛珩子材亦孝居父喪哀毀嘔血不茹葷者十餘年

彭溥生廬陵人甫十歲即能詩事母黃氏至孝母病衣不解帶者二月忽一日焚香告天以身代至晚果逝不踰年墓上萱花炯發人以為孝行所感

羅錫榮字孟兼弟錫乾字仲呂廬陵人稍長而孤又遭兵火兄弟積勤奉母以孝聞藹藹一堂四世同爨

胡泰階廬陵人生平篤於至性事親孝家甚貧兄志於學階竭力謀朝夕每事服勞務成兄志

以上縣志

王賜驥永新人父因事棄妻朱氏復娶彭氏生驥兄弟驥九歲每私饋朱氏泣告其母曰兒與母皆仰食於父獨前母見棄居外念之輒心痛如是者數載父感悟母彭氏亦解勸遂偕朱氏同居如初終父母之身孝敬無違兄性頗躁驥事之維謹兄歿哀痛成疾歲餘乃痊

新增

劉允升泰和人父患足疾久不瘳必得活蠓和芙蓉花敷

之時隆冬惟閩省猶可購至則懇漁人覓得數十歸醫之竟痊母病目舌舐一月復明母歿廬墓三年新增

張之宿萬安人幼聰穎年十三通諸子五經家貧竭力養親丙戌侍母避亂遇兵劫其母宿泣請代兵抽刃者三宿引頸受戮賊憐其誠兩釋之

段子章號海暘廬陵人家貧盡孝養母病衣不解帶者三月母嗜果食憐其貧不欲言章必購以奉之母輒不食託諸戚友所遺以進其委曲承志類如此

梁子興字仲起龍泉人居喪不御酒食哀慕至老不輟有從兄嫂無子老曠流寇克斥子興力保全之既亡經紀其喪

謝瑞徵字公瓊龍泉人父欲出繼母瑞徵號哭請留父病卒廬墓三年祀忠義孝弟祠

郭啟貢字汝器龍泉人幼失怙恃事祖父母以孝聞時值草寇竊發祖父母相繼歿葬祭如禮寇劇徙虔娶王氏舉二子氏以疾卒貢年二十七絕意續婚而急為其弟爾儀擇配自是鰥居數十年子三發舉明經

方定憲龍泉人一門六世合巹同居憲能嗣之新婦至皆受冢婦規誡生子互相乳哺人以比之江州義門

龍吉景字水怡永新人吳逆變起景負子隨父攜幼弟以逃父弟俱被執景抱子入賊營求代因憐而釋之然終怒其父擊以刀背景趨蔽遂傷左手成痼疾事父四十

餘年色養無懈子益舜益寬世守孝友

龍永慶字松偶永新人幼習舉業康熙甲寅乙卯間值滇藩之變冒刃全親避居山谷雖亂離甘旨不缺兄弟七人友愛無閒言子光晨能繼父志

李慶蕃字衍萬永新人自幼家貧母病疽痛不可觸口吮而痊及卒值寇起權厝他鄉寇平往覓積塚纍纍失其處得老人引示乃負以歸父為賊所掠以刃脅之慶蕃苦乞得釋嘗賣薪供饘粥知縣黎芝上其事建坊表閭劉焜字季日廬陵人事親孝伯父無嗣焜承繼奉之如親生父產約千金悉以讓其兄

龍芝珂字石輝永新人親老起居不離有事出雖戴月必

歸為各爨弟傾產完公終身無怨言

以上縣志

衷化遠萬安人康熙甲寅寇變鄉里駭竄化遠負母逃避山谷覓食以奉母命尋弟得弟歸道遇寇劫之使服役良久化遠泣告有老母在乞舍其弟寇憐而俱釋之比反母先被寇擄去計無所出遂學醫卜訪尋楚蜀歷十六年始得於郴州贖奉以歸因訪得鄰人戴重仁母亦被虜在郴并助金贖還父歿叔老無子化遠奉事維謹宗族咸嘉之

彭慶增萬安人年十六其父侍伯祖在粵祖思念不置慶增遂往粵勸歸康熙甲寅寇變圍其家索金傾囊予之賊怒其少抽刃逼家人慶增懇殺已以全活之賊憐而



還其金以去父母歿俱廬墓三年乾隆十三年詳旌子尚德年十二父母病晝夜侍奉不倦終身孝思亦如其父常人城中途拾遺銀訪知其人還之俱新

蕭士諫泰和人康熙甲寅乙卯之變兩遭寇警與父被執士諫乞免其父自以身代寇揮刃斫其右臂不顧卒全其父以歸

陳廉字介石泰和人康熙間吳逆犯順山寇乘勢竊發廉倡鄉勇導官軍戮其愛壻乙卯十二月寇以復仇突至廉父思江為寇所擄百計覓之夜宿野廟感夢遂如其夢偵得直投賊巢穴持百金求贖其父寇義之遂釋歸

俱採四祀志

黃伉生廬陵人邑諸生九歲母歿柩在家鄰居失火撫棺號慟不避忽雨驟至火息康熙乙卯寇至繼母適病疽伉生侍側賊加以刃不為動乃憐而釋之乾隆乙丑旌表子象珮字璜三貢生性剛介讀書能文父母歿俱廬墓三年著有四書存參

尹是瑚永新人邑諸生少孤事母孝康熙十五年楚寇變同衆徙避錢市夜忽心動即負母奔花陂衆遇害瑚母子獨免

姚舜情字一性泰和人康熙間逆藩變父大瓚被擄歷險遍覓見父於寇巢中乞以身贖寇令其指數鄉族富者刺股血淋終不答寇感其孝且義並釋之父歿方廬墓

以母病出歲甲申水夜溢房舍傾壓其母舜情入水負之漂流攀樹獲救母卒廬墓三年哭無時邑令劉崇為作廬哭子傳與弟舜怡友愛季子開芳亦以孝聞芳少時見諸兄謀生於蜀不自安廼肩販走村落貿易仍勤學問當父廬墓時芳隨侍歷寒暑不憚勞後隨父貿易成都鄰店火父閉不得出芳濕絮蒙頭冒火負父出手足中火毒至潰爛數月明年奉父歸舟觸石折毀芳急舉板抱父浮水上漂里許獲救就其地傭力膳父母母歿哀毀幾隕其生

黃英廬凌人國學生三歲父歿母守節年七歲忽問母父安在母告以死遂號哭不已自是每遇忌日終日涕泣不食康熙甲子英鄉試歸有誣其妻王氏不敬事姑者即出之節母力辯其寃乃復令雍正間以孝行旌表

王由義字存仁安福人幼孤家貧母劉氏不能自存義涕泣跪慰嘗負米養母及弟母安之母性樂施義俱出逐母意時有同室獲竊欲鳴於官義以母命勸釋之日給以錢米其人由此自新遇通衢壞負債修砌母歿不欲酒茹葷者三年乾隆三年旌表入孝義祠

以  
新增

匡自天泰和人康熙甲寅寇亂奉父奔竄卒免於難侍父母病親嘗藥餌歷久不懈

縣志

羅大振號磐峰廬陵人康熙間吳逆變父被執罵賊賊欲加刃大振引頸請代賊兩釋之母卒哀毀盡禮事繼母

孝撫愛異母弟併撫其遺孤如己子康熙五十三年捐  
育嬰堂繕租約值三千兩雍正三年捐社倉穀八百石  
復建倉五處以均遠近有司援例請旌辭不受移建縣  
學宮前後捐三千金力總其事城南青原臺明諸儒講  
學地久圯倡捐銀三百兩重新之又捐田租百石助鷺  
洲書院膏火邑漕倉舊在城內民運艱大振首倡移建  
城外水次通邑便之以孫士昂貴貤贈奉直大夫乾隆  
十三年崇祀鄉賢 新增

王道祉泰和人家貧父館外康熙甲申洪水道祉奉祖避  
樓上夜半風作水湧及其室急以身負祖漂流半里許  
得大樟樹攀援獲免父卒攸鎮扶櫬歸時灘流湍激抵  
皂口為石所觸道祉號呼他舡甫出柩而舟沒道祉墮  
水以救免踰半月病卒妻蕭氏亦有孝行

張繩孫吉水人四歲而孤家徒壁立母吳氏紡績為活繩  
孫飯牛負薪佐饘粥比長遠商權利不旬日心動遂趨  
歸母果疾一見而病尋愈康熙十三年歲歉繩孫煮粥  
奉母採野蔬自活十五年山寇發負母避巉巖中以免  
母卒廬墓三年雍正十三年旌表

王鼎魁吉水人家貧以漁為生事親孝康熙癸巳章貢水  
發網罟無所施會邑令購殮具鼎魁父向為幕客得一  
具澤且堅將貸之鼎魁自外至請曰兒不孝使父自鬻  
其壽具以重兒罪兒請先葬魚腹矣父謝使者去水勢

稍殺江鯉多挂鼎魁網計數月中所賣鯉幾與前議直等是年冬父卒以前具殮鼎魁哀毀成疾死鄉人稱之為鯉魚孝子

顏廷瑞字淡若永新人康熙癸酉武舉事父母備歷諸艱志養無懈父歿瑞方就公車聞訃馳歸夜遇虎不驚族有荒糧賠墊甚苦瑞盡為代納出貲招墾已熟者聽其售歸凡經二十餘載累始免前令黎芝請旌其孝

康志忠字良佐龍泉人康熙甲寅山寇劫城忠隨父儒芹母張氏弟國望及一婢走永新一夕賊至縱火焚掠儒芹出與賊鬪被縛去國望甫四歲婢負之匿山谷惟母尚在室火及門忠負母持械衝火出被數創會大雨如

注賊回戈母子得免至山谷與婢遇弟亦無恙忠回至賊處大呼父何在賊執使同父荷裝物忠以頭捨地流血乞釋父而已就死賊兩釋之乾隆三十二年知縣杜一鴻以其事請旌祀孝弟祠

彭德瀾字波僊龍泉人康熙甲寅草寇破城瀾使蒼頭掖其父而已負母出城至黃土關之湯村遇賊瀾傾橐中財物贖父母得釋晚至牛鼻嶺復遇賊盡裂衣裝乃踉蹌至贛日走市丐食為養如是者十餘年始奉父母歸未幾母喪父邁夙疾瀾背負其父出入如是者又十四年雍正乙巳有司上其事被旌

以上縣志

張可宗泰和人父時蓋有隱德可宗幼失母具至性滇逆

變作康熙乙卯尚寇乘間為亂可宗感先兆通告族人避寇全宗得完可宗侍父行遇寇被驅入山刃擊其手抱持不忍釋曰吾寧死以全吾父賊義而兩釋之越十年父卒可宗廬墓三年採四祀志

劉隱山泰和人康熙甲寅山寇擄掠抽刃脅其母隱山求以身代賊釋之父歿傭力於族人假棺殮以葬

王爵賓字紹桂安福人康熙甲寅避寇厚溪村父鴻貽被挾虐取財物爵賓哀懇寇釋之戊午邑大饑爵賓奔袁負米歸養祖仁卒於萬安權厝焉鴻貽臨終語爵賓曰祖骸未歸吾恨甚承吾志者惟爾後果如命歸葬乾隆四年旌表崇祀忠義孝弟祠

劉永吉字俊發安福人乾隆辛酉以孝旌表建坊以上新增

蕭士芊字次萬泰和人父孔錫康熙甲寅乙卯間禦寇被戮士芊年甫八齡哀痛如成人隨母胡氏逃難途遇寇胡氏義不受污寇以劍臨之士芊引頸求代寇義而釋之母歿廬墓三年雍正十三年以孝旌又孝子尹汝梔雍正六年旌王培具雍正七年旌

周永珍字蘊山泰和人年十四失母哭泣三年康熙乙卯山寇入高岡火其廬父病癱瘓不能逃永珍濕被蒙突烈焰中救出寇旋執之欲兵其父永珍號泣乞命乃捨其父以永珍行中途有小溪濶丈許永珍奮躍而過賊追弗及卒免於難

胡禮字祥生弟初字小宋泰和人康熙甲寅寇亂奉縣檄  
集鄉勇其父奮欲行二子請代遂殪賊酋愛子賊憾甚  
歲暮突至母病不能行二子更迭負以逃後賈於贛聞  
母病亟奔還至斌山日暮有虎蹲道旁二子竟過之平  
生尚義代輸族人逋賦貸不能償者焚其券以上縣志  
藍起鵬吉水人康熙乙卯山寇竊發負母逃避肌膚綻裂  
不憚跋涉卒獲免母歿廬墓三年雍正七年旌表

鄧士璵吉水人康熙丙戌郝寇肆掠璵侍父病寇入室無  
所獲欲刃其父璵哀求免盜釋之挈士璵去月餘脫歸  
劉服在安福人三歲而孤母郁氏年二十守節服在事母  
孝康熙甲寅乙卯之變流賊竊發奉母逃避山中為賊

所執母以死自誓投崖下折左臂服在呼號投崖從死  
賊感其孝義釋之

解貞讓吉水人康熙間鄰家失火延燒其舍母無從出讓  
急濕衣冒火負母出母子眉髮俱燬城中人稱為然眉  
孝子父母歿俱廬墓三年

郁釗字繩武安福人父展其逝母劉氏有娠閱八月生釗  
稍長屆清明上父塋祭掃遇雨山水暴漲渡江幾溺忽  
一木迎流而上抱之獲救釗生平多善行皆奉母命以  
承父志母歿哀毀骨立及窆結廬墓側獨居三年以上新增

周繼光字霽雲龍泉人邑增生康熙中父汝述客金陵久  
不返乃以舌耕供母方氏及父歸里患癰瘻光十載侍

疾無間妻廖氏以場子成瘋病光年甫三十不別娶人  
 高其義楚有周尉落職歸過西溪病且死光為之殮厝  
 高其裘麓於僧舍凡九年招其猶子至還之且厚其賻  
 從兄某螟異姓子閻甚瀕死待光至付產券托身後事  
 光一如其言惟螟則力撫而授之室仍以遺券還之一  
 無所取弟繼輝中道殂婦彭氏撫孤孺繼光調劑而課  
 之業遂成進士子培亦貢太學光舉鄉飲卒年八十一  
 康仁龍字尺木龍泉人雍正丁未歲貢母病失明仁龍旦  
 夕舐母目而愈及髦痿痺艱於行旦夕背負出入母壽  
 九十餘龍亦年六十母以病卒龍皓首苦次與諸唁者  
 訣云吾事且畢踰月葬母歸即寢疾而瞑以上縣志

李學經顏兆富俱廬陵人雍正四年旌表孝行新增

陳忱吉水人性敦厚喜讀書以諸生教授鄉里修脯盡以  
 歸母母病不起忱抱痛終身飲食服御較常減損忌日  
 輒哀奠如初喪事兄撫庶母弟均友恭無間言雍正五  
 年旌表縣志

王九芸廬陵人雍正六年旌表孝行

倪重陽安福人邑武生祖父三世同居丙子歲旱饑自負  
 米以奉親從弟幼孤撫之成立又撫其遺孤雍正間公  
 舉鄉飲乾隆五年旌表以上新增

陳文爵吉水人年十五父沒家貧孤立撫柩擗踊哀動隣  
 里父葬廬墓絕酒肉者三年善事寡母有從兄遺孤四

歲無依倚母見之輒流涕文爵即養孤於家母病癱文爵之即瘥母年九十餘雍正十三年旌表 縣志

陳有奎蕭策奇俱泰和人乾隆元年二年旌表孝行

劉景渤廬陵人年五歲母手病誑曰以抱汝故渤哭竟日

為母撫摩七歲就塾師授書至父母惟其疾之憂釋之

曰父母常怕兒子有病渤對曰兒子還該怕父母有病

否師奇之一夕大風雪父偶醉隱几卧渤獨侍側至醒

乃已母鄧氏兩目障蔽步禱武功請水歸一洗復明父

廷松歿停柩於舍失火渤與弟繞棺長號得救息與諸

弟同居友愛雍肅無閒言嘗獨建祖廟創義田購山壠

一片公諸族人安厝舅氏鄧清生二子長歿無傳次撫

他姓渤傾囊贖以歸為婚娶分宅居之康熙五十年捐

重金助修螺岡文山祠邑大荒募錢千緡買穀賑濟五

十二年洪水鄉民流離失所復給米錢救援乾隆三年

旌表孝行 以上新增

郭開圖吉水人佐父力耕遇虎開圖以身衛父奮力格之

傷其右手母亡頻宿母墓以父病歸侍已而父歿居廬

三年悲思無閒墓在河干麥隴中康熙十六年秋雨決

墳漂棺開圖操舟順流求之至峽江見沙阜隱起為之

得二棺奉歸祔諸先塋兄弟相友愛居室田產並多推

讓乾隆六年旌表

周祖慶字衍三龍泉人廩生娶廖氏生一子偉而氏卒慶



年二十八即誓不復諧攜子移榻就父寢所父承端年九十餘母唐氏亦八十餘皆以無疾逝慶前後哀毀骨立既葬廬墓三年墓傍松楸皆手植成林與兄弟友愛終身不析爨

雷承棟奉和入蜀舟行父溺青灘承棟投亂流以殉遇舟救俱獲全

李承松字參宇廬陵人性孝友兄弟六人同爨經四世怡怡一堂

彭焯廬陵人府學廩生教授生徒每年所得館穀皆以奉兄焯焯相愛敬終身不析箸以貢授興國訓導帥士有法丁亥遂隱不出焯子孔壯與焯子守其家訓

盛國宜永新人父渡河失足國宜入水出父於險五世同居有孝讓風乾隆元年知縣黎芝上其事旌之

李恆壽吉水人九歲遇國變兵寇克斥舉家被執兄恆秋呼號求免其母身竟及難恆壽豎髮瞋目唾罵不絕竟露刃迫之恆壽引頸就死仲兄恆寅負母逃去後為諸生以孝謹聞

蔣冠乾泰和人父溺禾埠渡死冠乾破浪挽救事繼母舐目復明

蕭與賢與權與恭吉水人兄弟同爨歷五世值變故家產浸削孝友彌著諸子孫亦守家法敦崇古處邑人名其

堂曰友恭

以上縣志

曾孟良泰和人其父覆舟溺死屍撈不獲孟良斬其一指投江以祭遂湧出母卒廬墓三年知縣張尚善旌其門

黃文成文昭廬陵人乾隆三年俱旌表順孫以上新增

解祖謨吉水人父以隕梯折足醫者謂得藥草可療會積

雪無可覓祖謨沿巖尋覓忽有石墜巖下草自六花中

出採歸服之得無恙居父母喪前後各廬墓三年拜石

漬淚成斑雍正六年旌表以孫韜貴馳贈知縣子貞靖

亦以孝謹稱並贈知縣

劉生達字章成廬陵人一元仲子也元義方嚴肅生達恪

承父訓庭闈協順人無閒言早歲補邑庠生晚益好學

歲率宗族子弟課文教誨如一以上縣志

劉廷簡泰和人父病目醫藥罔效每日舌舐數次閱三月

目復明母病癆瘵入深山覓鮮黃精適有人持黃精以

贈母服之果愈

周世迭字由賡世達字夏長安福人俱例貢生父鼎湯艱

於嗣兄弟俱庶出一日嫡母病甚兩人出購參苓暮抵

渡口風雨驟至冒險而渡中流船覆兄弟共抱一篷縱

其所之久之風掣傍岬扳柳而登則已及家門矣兩母

驚問故相抱而泣母病亦尋愈幼弟世進善病調護備

至友愛終其身嘗輸產膳軍出穀減糶卒年俱踰八十

以上新增

梁漢泰和人家貧甚漢遠商關中歲一歸省所入悉以奉

親撫教諸弟晚年盡出其羸餘分給之 縣志

郭震安福人少孤母王氏多病家故貧震賣薪易米以養比歿躬負土石成墳以哀毀致疾卒

王啟璉萬安人性孝友年三十喪偶或勸之續婚啟璉曰有子可嗣宗足矣豈忍負義卒年八十餘 以上新增

陳試元字天際永新人父喪結草廬墓後斃石為亭今名永錫母患足疾弗愈有楚客遺金於道試元如城請醫拾而覓還之翌日客來謝遂為調劑獲痊乾隆十年旌表時年八十有四

羅赤城號白也廬陵人洪先四世孫郡庠生順治丙戌間父為兵執求以身代得免於難後徙居鄉朝夕與諸子課業年八十三一日忽整衣冠徧謝親隣曰老朽從此別矣遂正容而逝

按赤城為洪先四世孫縣志作康熙丙戌距洪先登第時已一百七十八年不應止四世也當是順治丙戌之訛今更正

劉世德字駿發永新人事父母孝居喪行古禮稱情立文同爨百口內外無諍語善聞於鄉舉鄉飲賓

曾應選泰和人父惟嘉病目應選日舐去翳障久之復明母患痿痺應選左右扶掖垂兩載無倦母卒廬墓側所著有易經講義乾隆七年旌

劉光秀泰和人母孀居事之孝謹母病不起號痛欲絕肖

像祀於堂哀慕終身乾隆八年旌

以上縣志

劉國杰字俊弼廬陵人父以計然術折閱負債千餘金無償成疾杰百計醫治病乃痊杰遂棄舉業事生產家日饒悉償夙負餘均諸兄弟次兄商粵東卒杰奔數千里撫櫬歸乾隆甲申乙酉歲連歉杰竭儲轉糴減價以賑易簣時以重金命子修門首橋路鄉族中貧乏無告及歲時緩急罔不極力調卹

朱天瑞字職五安福人年十五而孤事祖父母與母皆篤孝稍長秉家政沉毅有智力門內雍和無間言祖父母以食指繁令諸子析爨天瑞涕泣固請曰千金之產不數析而貧萬一有饑寒轉無以慰盡傷心願寢其事會

時疫里中戚屬至不相聞問天瑞日往來調藥餌或止之正色拒曰骨肉不相顧反畏鬼厲殺人耶里舊有虛糧苦攤累首倡籲免又酌本族社倉穀減息之二以濟青黃公私皆利之

謝崇祐萬安人年十六讀書城中歸逾旬兄廷縉質於城急歸召之涉渡溺死崇祐痛兄為已失足亦赴水以殉衆救還夜分竟自經死

戴光前永新人乾隆十八年旌表孝行

蕭學文泰和人乾隆十九年旌表孝行

王志珍永新人乾隆二十七年旌表孝行

唐素安永新人乾隆三十八年旌表孝行

以上新增

附列

按孝本難言散見縣志各傳傳文隱約無實蹟可指特摘錄原名附載其各志本無傳者併附

張壽彪龍興毅鄒膺黻楊志元劉公驥俱廬陵人劉國柱  
廖允貞俱吉水人羅士彥陳家煒俱泰和人王熟安福  
人羅定篆羅立敏戴良瑋俱萬安人陳忠言劉石桃戴  
文相劉有容田日炳賀讚劉士恕俱永新人以上二十  
人傳載縣志

楊咸珖蕭大慤樂頓賢張念夷劉言大樂從賢袁慕暹嚴  
濟寬俱泰和人張永彪劉四維俱安福人羅維綱劉定  
柱文邦衛劉士珀唐尚實曾啟福湯曾蔡顏攀龍周榜

左克儼江鍾寶左克佩劉其鏞俱永新人以上二十三  
人載縣志無傳

孝友 附編

廬墓割股古人偶為奇行如漢之歐寶宋之艾君  
瑜等事不經見後人輒數數效之古屬各志屢書  
不一書甚至比附往蹟聚於一人之身迄於今不  
能削又從而益焉可乎雖然過而去之母寧過而  
存之姑彙次附見於卷其兼此而別具他行者仍  
列正編

漢

歐寶

宋

艾君瑜

曾

莘

附弟

譚觀光

曾

肅

朱雲孫

賴孝明

熊元素

江文卿

元

羅伯壽

王留孫

劉格

尹存仁

陳漢

明

左興兒

趙常

蕭興賢

康漢

劉喬松

黃聰

曾籥

宋郁亨

郭魯

徐懋勳

歐陽六孫

郁希顏

鄔期昌

劉載達

王瑞

鄒偉

廖栢

劉和

歐陽梧

劉彝

劉德徽

湯廷梗

周仕襄

謝沛霖

黃好謀

張箕

黃宗益

王爾極

王若雲

袁玉睿

王宜振

吳時漸

鄒宜

王憲英

李欽安

謝宗信

李邦衡

劉時敏

張政

朱意

王世構

周蘊

姚一柱

李仲

曾之典

謝亮

劉安

歐陽思

梁穆

曾珮

羅秉正

楊恩

謝汝壽

康韞燦

周本立

劉華

蕭兼

王大侑

溫浩然

劉可遺

彭順邦

羅才淑

張顯

黎達泗

李果珍

羅一鵬

劉曰葵

徐自新

曠承乾

徐信

張祖延

蕭崇遠

劉希復

附

曾鼎鉉

劉從灝

朱寬

郭元達

楊戍生

楊惟達

謝舜匹

楊 敞 蕭震亨 謝起潛 羅邦治子士 盧厚珠

蕭 銳 劉恩序 郭賢誠 劉良輝 劉應宰

姚開述 劉金鼎 劉士法 彭以豸 劉世臣

左君籲 陳汝經 劉尚台 康 鍾 郭 崙

黃 韓 黃天覆 朱祖陽 蕭如祈 劉 謹

劉 璠 郭鳴凰 附列三十三人

國朝

李朝卿 歐陽 洪宗 蕭翰欽 王之範 何三奇

蕭欽敬 龍起濤 王國祥 蕭仁清附仁游 傅齊公

龍文綉 田日炳 曾從讀 蕭福瑞 朱 燦

李枝炯附子榮 何 振 張 祥 王化鵬附化鴻 曾從賞

張用濟 周濟蓉 陳桂文 蕭時道 劉承球

周啟龍 胡文燧附武學 蕭可貞 蕭觀遠 游玉虹

蕭懋瓚 彭聖清 尹作振 劉廣度 陳善功

周廷桂 彭啟玉 王國棟 龍 仁 楊弼瑄

劉元起 羅次蓮 文慕道附文在朝歐陽暉 蕭集觀

周定元 羅 崇 上官俊 謝子爵 朱 翰

羅賡陶 賀鳳池 張泰珠 李思密 劉錦堂

甘維則 徐宗元 賀坤耦 附列三十二人

漢

歐寶永豐人性至孝父喪廬於墓側里人格虎虎投廬中寶以衣覆之里人問寶寶曰虎可舍藏乎虎得免每月

致鹿以助祭

林志

通志按云歐寶林志以為漢人白志仍之安志以為南北朝人考宋史至和元年始析吉水置永豐縣前此未有永豐名舊志俱誤明一統志載安成人安成漢縣似可從今姑仍舊志

宋

艾君瑜永豐人登宋寶元己卯進士母疾革割股和藥以進遂愈母喪廬墓三年服除不改監司郡守以事聞上嘉之命復其家官至鄂州司戶

林志

曾萃字大野弟萃泰和人少俱警悟宋元祐間領解試萃嘗著孟浪子傳以酒白寓母篤病兄弟俱割股和藥以

救萃年三十六感疾謂其弟萃曰其生也若浮其死也若休死當葬我先塋之倒揭曰有宋浮休道人之墓遂

逝

採四祀志

按泰和志疑曾萃曾萃為一人今查四祀志則兄弟也特為補傳

譚觀光字元賓永新人性至孝居喪廬墓有白兔白鹿之祥後登政和八年進士其弟觀復子孚先觀成子紹先並以孝稱後子孫繁盛宋末文天祥勤王郡人從之者三族其一即觀光之裔也

泰永新人物志

曾肅字溫夫泰和人性孝居父喪廬墓側有慈烏來巢之祥黃庭堅知泰和時嘉其行稱為清高處士

林志



朱雲孫安福人母劉氏病血指書詞禱之復剔股為養以進翼日瘳他日復病亟其妻劉氏曰子瘍尚新妾當以此養進翼日復瘳時稱朱孝婦史見宋父復病疽雲孫炳菴於臂禱以身代縣令黃爽之美以文周必大贈以詩賴孝明號遜窩萬安人讀書不求聞達父母相繼亡每哭踊頓絕結廬墓側鴉雀來墓上夜聚曉散如是者三年時周必大薦朱子提刑江西朱子入奏事得遜窩行實嘆曰我朝二百餘年得此一孝子狀其事以聞旌曰遜窩賴孝子所著有周禮精義十卷

熊元素永豐人熊良弼子父死廬墓側夜嘗有一虎環廬若相為伴去則留其餘啖以遺元素曉去晚來如是者

旬日世有贊云鳳凰瑞應西山慎於菟孝感遇源熊以上縣志

江文卿永新人端平間母病革不可療文卿剗股和藥以進病隨愈邑令以聞表其門通志

元

羅伯壽泰和人習舉業工八韻有聲嘗剗股起親疾於垂死事聞於朝表其所居之坊曰旌孝後為盧溝簿趙孟頫贈詩曰江西水清石鑿鑿士生其間多異材今去歐黃未為遠要須力挽古風回舊志

王留孫字宜遠安福人奉母至孝三十年不懈父炎午病晝夜扶持衣不解帶者二年父歿既葬結草如繭寢處

墓左哀至悲泣苦草為腐服闋猶不食醯醬蔬果里人表其阡曰白華所居曰永思

通志據圭齋文集

劉格永新人喪父哀慟執古制既葬廬墓朝夕悲號饑寒不自恤邑士憫其志隨於居廬題曰懸思今所居稱懸思里

尹存仁字安所泰和人甫冠侍父善卿客汴父卒適江淮兵起不得歸藁葬旅次廬墓三年負骸歸道數遇賊皆義而釋之抵家隱居養母友愛二弟子天傳讀書能文累辭徵辟終養祖母

以上縣志

陳渙字廷陽永豐人治春秋屢舉不第敦行孝弟母病衣不解帶母卒廬墓三年作思親歌以誌痛元季不仕明初詔舉孝行邑令蔡玘屢薦以老辭

新增

明

左興兒永新人暮之後也祖文郁任高郵河泊官永樂中為民負魚課錢徵詣京師遘疾興兒割股以進病尋愈事聞詔旌表門閭復其家

縣志

趙常字本彝安福人母楊氏得危病七日不能食飲割股為湯以進諸兄大驚母歿江黔在萬山中旅櫬罕有得歸者常哀號不絕自矢必返柩千戶陳君剛聞而悲之為募丁壯鑿石架梁柩竟得歸

縣志參府志

蕭興賢泰和人父病危興賢割右股為糜以進父愈母病復割左股亦愈後父母歿先後廬墓三年歲洪水且沒

墓興賢不忍去假宿白鶴山朝夕望墓涕泣水退隣居盡圯惟廬舍獨存

康漢字魯章泰和人父病痺旦夕侍湯藥不解帶頭髮變白既歿廬墓三年一夕寇至伏地號曰家財恣所欲取幸無驚吾先靈與老母耳寇哀其言棄去及母喪漢亦垂老哀毀如前既卒里人稱康孝子而不名

以上縣志

劉喬松字昭詒安福人少隨父騏教授龍泉值土寇將戮及父松挺身前護傷手昏仆父遇害帶傷扶櫬歸母慟絕遂刲股以救不起與父合葬撫育弟妹及兩孤姪成

立 新增

黃聰字時憲吉水人幼孤出遊學每思母輒流涕家雖貧

必求甘旨奉親兄弟三人皆友愛母歿廬墓嘗受業羅

倫大見愛重成化間以歲貢授當塗縣學訓導

縣志

曾籥泰和人家貧以館穀為養父病劇卒廬墓龍洲三年

初廬半載以傘覆之親友始易以木日館北郭晨赴暮

歸母死亦如之六年酒肉不入口

縣志參府志

朱郁亨號嘿逸永豐人家貧歲取館穀奉親母病目不瘳

膝行至大華山禱於神割左股以進母愈年踰九十八

郡邑舉為鄉賓俱不赴

郭魯字希敏永豐人郭聳仲子自幼謹嘿為諸生嗜學一

介不苟家貧母欲為之別產魯請以館穀所入與兄弟

共之一金不私母死廬墓邑令凌儒以禮延教其子凌

去以其都廢寺歸之魯公之衆以贍都役由歲貢授穎上訓導

徐懋勳字元生永豐人邑庠生祖母病刲股救之郡縣皆以孝旌

歐陽六孫字振振廬陵人事母李氏孝妻劉氏微拂母意欲出之母勸而止母病危割股救旋愈母卒父繼娶六孫事繼母如生母父年七十蹶道上六孫客衡陽奔歸侍養衣不解帶者三年父歿廬墓

郁希顏號素安安福人嘗刲股救親居喪齋蔬餽粥廬墓三年

鄔期昌永豐人邑庠生母死廬墓三年丁亥父病值寇警負父而逃及父死枕屍悲號寇至被執罵賊就戮與父合葬

劉載達號南麓永新人親喪廬墓與弟載造讀書拿雲臺潛心性理家貧樂道奉勅旌表贈博羅知縣祀鄉賢

王瑞字允芝安福人父卒逋券數百金悉焚之通衢負老詣謝則憫然曰此先君遺命也父置義田三百石歲貸族里溥行如存日宏治癸丑以貢授永州教職母老而終養母卒廬墓嘗拾邱姓遺金數鎰詢而還之晚生六子皆賢卿教卿達尤著

以上縣志

鄒偉字純字廬陵人幼失怙恃寄育於其伯敬川伯母蕭氏甚器愛之年十三伯母病躬嘗湯藥衣不解帶七日

水漿不入口病尋愈及長家貧無以為養率妻陳氏飯  
糝茹草節木以供肉糜及伯父母死廬墓三年

舊志

廖栢字青山吉水人父福以宿儒授冠帶母劉氏栢遊邑  
校淡於名利讀書至孝義節烈之行輒志氣激昂事親  
備極孝養執母喪哀毀骨立父歿栢結廬墓側者三年  
哭父哀詞有月照孤兒草上眠之句同里都御史張炯  
為立廖孝子傳

劉和字元中吉水人年十三聞父理豫溺死池州慟哭嘔  
血後往來其處輒悲痛不食設酒餼號而招焉母喪廬  
墓玉華山左值夏風電伐屋廬獨不壞有不肖者忌之  
結黨偽為盜夜火其廬和抱木主避玉華觀天寒甚道  
士以衣進色不純素忍寒卻之黎明歸納主於廟終喪  
外寢旌表祀鄉賢

歐陽梧安福人父客楚母卒葬焉梧時垂髫閱四十年矣  
傷母旅瘞市善棺往易之以其柩歸葬廬墓側不御酒  
勺補行喪禮

劉彛萬安人七歲而孤母李氏勉以學一日白於母曰天  
不忘我父必將有衍吾宗者願築室以遺之遂顏其堂  
曰寶善母死廬墓

劉德徽字升五安福人鄉舉鳴豫長子父病同母郭氏割  
股以進捐租奉祖祠待庶弟尤篤愛

湯廷梗安福人事親孝父病危判肉以進病遂愈

言安府志 卷五十一  
周仕讓字元永安福人邑諸生父之鳳病疫仕讓兩刲股以進父遂甦為人和平能睦族遇不平事未嘗不義形於色

謝沛霖安福人母周氏病刲股以進

黃好謀永豐人邑諸生父死廬墓三年母死復廬墓

張箕永豐人三歲父喪及長補諸生母亡廬墓三年

黃宗益永豐人父死廬墓母病刲血告天及喪日夜哭墓側有芝一莖九葩生於廬左

王爾極安福人十五而孤廬墓三年事母孝謹視昆季子如己子嘗捐學田延塾師教族之子弟能讀者又為義田贍貧乏丁亥歲大饑全活甚衆

王若雲安福人郡庠生母劉氏病刲股以進朝廷以孝行錄用不就

袁玉睿安福人母病危刲股和藥以進延壽三年復病刲肝以療及母卒廬墓三年邑令高其行造墓廬送之歸按刲股多生刲肝必死且肝難自取於脇此理所不可信者姑仍舊志而辨之後傳齊公彭芳葵二條彷彿此

王宜振字孝光安福人幼警敏好學母黃氏病急刲股以進父卒哀甚廬墓三年餽粥不繼鄉鄰感而授餐

吳時漸字儕鴻安福人邑諸生母病刲股和藥以進遂愈延年八十有八時漸有文行軼軻不偶而卒

鄒宜字令申安福人四歲喪父依母趙氏祖母陳氏祖母病剗股烹糜以進病愈時年十七宜篤學工詩詞與族兄馭遠伯恭方穆家庭倡和俱有詩稿

王憲英字亦俊安福人父病篤剗股以進頓愈憲英無子妻周氏年二十七守節

李欽安安福人母王氏病危剗股以進嘗之而愈越數年欽安卒妻趙氏年二十五守節

謝宗信永寧人授寶慶府鹽稅大使早失怙事母孝母疾甚剗股療之鄉達陳養吾贈詩云兒身母之肉兒肉母之血肉血非兒有豈惜一鬻割但願母身康敢怨兒足蹶蒼蒼萬仞天母恩奚有極

李邦衡字平夫永豐人七歲失父善事母母病剗股為湯以進尋愈踰年母卒廬墓三年

按邦衡據後裔李秉溫呈請改入宋代但所錄許謙誌稱係門人而所誌則宋開寶距許謙元初幾四百年似未可憑今仍照縣志次第而附記於後

劉時敏字爾德安福人今隸蓮花廳母病篤割股和藥以進頓瘳邑令方允昌旌以孝行流芳

張政安福人世業農父習秦邁奇疾禱於武功剗股進之果愈踰月復病剗如初羅洪先題其齋壁曰剗股剗股兒心獨苦非兒自戕念我嚴父誰為此者張子政甫直指使署其門曰孝子張政

朱意字宜誠安福人父病四年意烹股肉以進又三年父病背疽百計調治越九年父歿廬墓又七年母歿亦如之廬次隔江春漲阻涉薪米不繼輒數日不食嘗講學青原復古間善引導人比卒王時槐為墓銘詔旌其門所著有易說行世

王世構號肯齋安福人司空學益仲子究良知之學學益謁告歸病亟世構奔迎舟過彭澤風作舟幾覆世構涕泣籲天濤浪頓息歸侍父病數年刲股進肉蒸服之病愈

周蘊號養中安福人父病刲股療而愈傅應正贈以古風志其孝

姚一柱安福人幼孤母劉氏病劇剜肉以進遂甦延十餘載後卒廬墓三年

李仲吉水人蚤喪父家故貧授徒供母歐陽氏已而室廬傾依舅氏居母病痢仲刲股以餌羅洪先詩云亦知母病已危哉刲股還看病可回股痛何如心痛苦兒身原自母身來

曾之典安福人自少感從兄曾諫苦孝父被兵執刃將加頸之典突出願代父兵憐而兩釋之後父病截指調藥飲而甦當道表其苦孝

謝亮安福人家貧父危病亮吮毒刲左股烹湯進父甦延齡十年無病而終邑有司旌以匾



劉安永新人幼失恃祖母鞠之及病劇刲股入饌以進病  
隨愈

歐陽思安福人嘉靖間父母歿俱廬墓三年

梁穆字遷喬龍泉人嘉靖貢生母病刲股療之父母相繼

卒負土成墳久之墓所產木兩幹四枝白花滿樹所著

有易經解孝行錄四書註要祀忠義孝弟祠以上縣志

曾珮廬陵人師事王時槐講學西原捐金倡修體仁敬止

二堂親歿廬墓三年垂暮置一妾甫至悲傷不已詢知

夫尚在即遣歸不索償且贈以銀米府城西南暴骨累

纍珮為掩埋又斂金歸能仁寺以垂將來掩埋之費新

羅秉正號際鴻吉水人大紘同祖弟好學通經史親歿廬

墓三年兄之嗣正相友愛甲寅甲子兩捐穀貸賑享壽

百齡

楊恩字昭播永豐人父喪廬墓浮山事聞旌表其閭

謝汝壽安福人父母死廬墓六年府縣匾旌孝行

康韞燦安福人母喪廬墓三年性慷慨好施與鄉人藉以

舉火者數十家嘗有盜過其門私相戒毋驚善人

周本立永寧人廩膳生母歿廬墓三年邑令張雲龍旌其

門

劉華字草坡萬安人河源縣驛丞親卒廬墓三年所著有

孝友遺錄撫教其弟道登賢書

蕭兼萬安人早歲喪父事母劉氏繼祖母朱氏有孝行事

聞給孝子順孫冠帶母歿廬墓三年

王大偁萬安人歲貢授星子訓導以母憂歸廬墓

溫浩然萬安人親歿廬墓六載

劉可遺萬安人母康氏孀居病目失明遺貧無藥石可資

乃割股血洗母目其目遂明

彭順邦萬安人練達古事奏除里役之害父歿廬墓三年

及開穴時白光達於晝夜

羅才淑萬安人幼失父母廬墓六載事聞旌曰純孝

張顯萬安人母病穢疾數歲卧席不起顯躬為滌治母卒

廬墓三年祀鄉賢

黎達泗萬安人居喪廬墓兄達朝苦貧以田讓之還遺金

於章貢舟人

李果珍號祿源永豐人邑諸生早孤廬墓三載家貧力學

著仁文書院語錄十卷

羅一鵬字九霄安福人父文岳以貢授廣東教諭卒於任

一鵬年十二扶櫬歸廬墓祖墳在二都院背鄉豪犯其

坵樹一鵬伏墳墓側痛哭益奮勵萬厯己酉領鄉舉

劉曰葵字向之廬陵人曰華弟受學於王時槐鄒元標門

與族兄聲芳講學青原白鷺間母病篤割股雜食進尋

愈郡邑聞而旌之

徐自新字葆彝永豐人幼孤事母孝居喪廬墓三年

以上縣志

曠承乾廬陵人歲貢授宜黃訓導祖卒居柩側者九年孝

於母及卒殯書舍一榻隨櫬凡十一年及歸寔復廬墓

府志縣志同

徐信永豐人邑諸生居父母喪廬墓三年萬曆二十年旌表

張祖延龍泉人啟元子由監生授光祿寺丞幼喪母隨父宦南臺轉福建僉事歸里父卒居廬三載太守楊繼喬書純孝錫類旌之

蕭崇遴號明龍萬安人年九歲母蔣氏病篤或告糜股可療遴即割臂以進臺使題請歲給綿銀以示優卹年十二就鄒元標講學白鷺書院人呼為蕭孝子而不名

劉希復號本初弟希岱號北鵬萬安人母張氏患心疾希復希岱衣不解帶者三月稽顙北辰各割股和藥以進母遂愈

曾鼎鉉字上玉萬安人祖母李氏衰年嬰病鉉割臂以奉劉從灝字翔生萬安人四齡喪父依母蕭氏製履緝苧以供養殮母以無疾卒灝痛悼不已割臂獻母

以上縣志

朱寬字匹瑚安福人父治芬萬曆歲貢病革思肉味時土寇猖獗屠者竄伏寬乃割股以進越日而愈從子洪孫商楚而卒遺妻王氏年二十三矢志守節謂其姒曰叔父割股救父吾豈敢辱我門

新增

郭元達吉水人幼孤母病亟割股療之及母卒廬墓三年天啟四年旌表

楊成生吉水人年十二父鼎構危疾成生舉左股下其一  
鬻熟而進病尋甦崇禎七年旌表

楊惟達廬陵人天啟四年父病危割股烹粥以進病尋愈  
崇禎四年母病仍割股母亦復愈府道俱表其閭

謝舜匹永寧人父病篤割股救愈泊父歿廬墓三年通醫  
不受人錢又拾遺金還失主問其名氏不答

楊敞泰和人割股和羹起母疾

蕭震亨泰和人割股療母火延祖祠泥首號哭風返火熄

邑令徐行忠為作返風記

以上縣志

謝起潛永寧人明末以貢任湖廣安仁教諭為諸生時祖  
母病危割股以進尋愈

舊志

羅邦治字長卿吉水人由貢入南雍較藝與陳際泰同敏

捷母周氏卒葬廬山陽廬墓三年父卒亦如之奉庶母

至謹友愛諸弟居匡廬時適旱九江郡守夢感聘以禱

雨治固辭郡守就其山懇之治為禱三日而雨著有古

史評實韓魏集要子士暉士昭皆以經學傳家

縣志泰府志

盧厚珠字明菴萬安人母死廬墓三年喜施宗族鄉鄰皆

德之巡按聞其風舉鄉飲表其閭

蕭銳安福人年十一母鄒氏得危疾銳割股以進遂愈署

縣邵夢河以儒孝天植旌之

劉恩序萬安人年十四喪母廬墓三年有鵲巢於廬樹鹿

引於墓前若感其孝者然年九十七

郭賢誠萬安人弱冠廬墓上聞獎之

劉良輝安福人母死廬墓終喪執古禮斥異端

劉應宰安福人父病刲股以療母歿適張寇劫掠應宰泣  
守母柩寇亦不犯

姚開遯字遐心安福人母張氏病篤刲股以進及生子左  
股有紅痣如剗肉狀事兄甚恭視兄子猶己子建祖祠  
設家塾倡修識仁書院建義倉捐義穀義田鄉鄰號曰

義公

劉金鼎安福人六歲而孤事母稱孝童年十四張寇掠之  
去越十餘年母心動曰兒當歸矣明日果自滇逸歸後  
刲股以救母病年九十

以上  
縣志

劉士浚字達仲安福人崇禎間年十九居父憂結廬墓左  
手植二楓舒葉則左右間歲為前後人以為異徵鼎革  
後絕意進取樂以所得授人家有兩世孀居者為之撫  
孤子孤孫經紀其家手記一冊題曰天監在茲杜門謝  
客惟麟經周易不離几席

新增

彭以豸號延直龍泉人崇禎時庠生嫡母無出母劉氏始  
生豸嫡待庶厚鞠豸如己出豸孝敬備至嫡母及父卒  
皆廬墓生母劉氏後卒豸年五十餘乃廬墓

縣志

劉世臣號蓋廷龍泉人家被火世臣捐軀孝二親出彷彿  
有衣緋人若救火狀風遂反父卒廬墓三年崇禎朝頒  
孝經以正天下採諸孝行巡方劉宗祥請旌

縣志參  
府志

左君顓字守中廬陵人選貢生喪母廬墓三年父病歿廬墓如母喪崇禎間授餘干教諭陞懷遠知縣遷登州通判致仕

陳汝經廬陵人母喪水漿不入口廬墓半載歿於廬

劉尚台廬陵人父歿粵西扶櫬歸廬墓三年丙戌遇兵亂死之

庚遜字二泉安福人親死苦塊蔬食廬墓三年著有集思錄歿祀鄉賢

以上縣志

郭崙安福人崇禎甲申父萬應詔捍寇傷臂卒舉動哭喪

明廬墓

黃韓字尚偉安福人年二十父卒廣西奔往扶櫬歸葬母

死韓赴水以殉流數里獲救營葬畢築室守墓五載

黃天覆字廕幃安福人國學生弱年父死於滇躬往扶柩

歸母持齋終身天覆亦承志持齋母年九十七卒天覆

廬墓三年

朱祖陽字媿文安福人家貧以館穀為養母病篤割股以

進尋獲愈

以上新增

蕭如祈字養吾永新人郡守樟孫家貧嗜學邑知名士多

出其門母喪廬墓與鄉會立家塾族鄰化之子香寶領

丁酉鄉舉

縣志

劉謹字主敬永豐人習靜山居自號吟詠有百韻梅花賦

居喪廬墓三年內外並稱其孝邑令三請為鄉飲賓俱

不赴

劉璠號體端永豐人幼失怙母卒終喪廬墓為學好善樂

施舉薦辟不就一日自知死期正席題詩有惟幸綿綿

天地長之句長字錄半而逝以上新增

郭鳴鳳永新人家貧力學歲得館穀以充膳養父有疾禱

於神願以身代疾尋愈後父歿築室墓旁服闋乃歸邑

令薛請旌晚著易象要訓子國良能世其學縣志

附列

楊源劉來耨蔣鑿俱廬陵人曾存翁陳曾俱泰和人宋子

琳吉水人江暉永新人舊志附載未分廬墓割股羅瑋居喪廬墓舊志

人物表曾公威郭紹容建坊郭泰瑤郭萬威周承載俱泰

和人居喪廬墓縣志劉若川蕭居震劉嘉震鍾宗珂俱泰

和人割股救親通志附高應崗傳楊禮臣周明幾泰和人俱割

股陳應椿泰和人割股廬墓載泰和志劉斐尹良相左釗張

宏德尹是先俞士鸞尹紹均賀幹珠周斯璽周光綬汪

化龍劉時敏俱永新人羅奏捷萬安人割股救親載永新志

以上三十三人據各志附入

萬曆府志按云舊志述孝友者彬彬然衆矣嘉隆而

後益稱力踐其間或以割股愈疾或以廬墓著思居

常而服勤臨難而效死率矚然足楷程後進顧其大

端總不能越此已書之重詞之複使人讀之不欲竟

卷焉斯何取於書哉故竝列其名而特傳其一二則

事之相類者要可以槩推矣或曰割股非孝也我國家蓋有大禁焉然而遏之不能止豈其出於計畫無所之而為此以申其不容已之情哉若夫殘膚體以為名高則誠過矣今按此段舊志極有分曉閱此可以徵編載者之苦心焉

國朝

李朝卿廬陵人邑諸生太母王氏有疾割股療之一日鄰家火卿宿外塾疾走冒火入負王氏出

歐陽洪宗廬陵人歲貢生二歲而孤母周氏守節會病危宗割股為丸療之獲痊母卒未殯適劉寇入境宗守死不去為人謹厚謙和犯而不校文章皆有古法

蕭翰欽萬安人奉繼母孝母歿廬墓三年敦祭祀建義館廣給藥餌以惠貧乏拾遺金於道歸亡金者不以自私郡邑嘉獎堅辭不受

王之範廬陵人家貧母蕭氏病危割股以進父魁顏故廬墓三載事聞旌表

何三奇字平叔廬陵人父中清中粵西武舉順治十四年病篤三奇割左股以進尋愈

蕭欽敷泰和人父有冤獄敷以身代卒得白母病割股以進隨兄入山虎噬其兄敷奮勇與虎鬪虎遂遁去母鍾

氏與父惟萱相繼歿先後廬墓六年

以上縣志

龍起濤字澄川泰和人母病割股父病痿痺捐棉衣千領



以延父年棉衣盡繼之以銀復費多金康熙甲寅山寇  
突至掠其財物起濤侍父病語寇曰寧殺我寇憐而委  
去卒全其父

採四  
祀志

王國祥廬陵人康熙十三年山寇為亂父王聚被執勒金  
祥年十五跪賊前願以身代賊遂釋之及居父喪三年  
不離廬次

新增

蕭仁清泰和人弱冠喪父備力備殮康熙甲寅寇亂負母  
避賊母病疽與弟仁游互允之肩輿日走百里被執賊  
憫而舍之明年母病亟仁清割股以進母卒一慟而絕  
傅齊公廬陵人業篾工母病貧不能製藥乃割股以進復  
病破脇探肝而割之雜粥以食母

龍文綉字蘊中永新人太學生母病割股母喪廬墓有六  
月梅花之異

田日炳永新人割股療母兄日煥亦有孝行

會從讀泰和人六歲喪母哀慟如成人父卒露處連宿族  
人為築室墓旁居廬三年

蕭福瑞泰和人父性嚴峻福瑞委曲得其歡心父母先後  
卒兩居墓次終喪乃歸

朱燦字星萃廬陵人邑庠生流寓邵陽著衡嶽鏤清游草  
母歿廬墓三年年未四旬妻死不娶

李枝炯字學田永新人今隸蓮花廳庠生性穎異通經能  
文事親孝父死廬墓知縣黎芝上其事建坊旌表子榮

散亦廬父墓

何振字振卿萬安人邑庠生父故廬墓三年

張祥字里瑞廬陵人六歲失恃事繼母惟謹父歿治喪不

徇俗既葬廬於墓士大夫造廬省之執杖踞苫席未嘗

啓粲或贈以詩歌文詞拱手辭謝

以上縣志

王化鵬字鵬遠弟化鴻字漸遠安福人俱幼通經史化鴻

十歲從父避兵山中越三年歸田園荒蕪化鵬與化鴻

躬耕以養補邑諸生與弟孝友無違言化鴻後復服賈

養漸豐父母喜施予尤善承志歿皆廬墓三年

新增

曾從賞泰和人母得軟脚疾從賞躬負出入十餘年如一

日父卒廬墓三年

張用濟泰和人母劉氏患氣疾用濟撫摩歲餘不倦母卒

慟哭欲殉後葬錢岡用濟築室其旁日誦孝經

周際蓉字菊友泰和人母病調湯藥臥寢側澣濯污穢及

卒廬墓三年

以上縣志

陳桂文蓮花廳人割股療親疾妻賀氏亦割股以治母病

前廳毛給匾以獎

新增

蕭時道泰和人父病疫卒時道哀毀逾情築室葬所寢苦

三載

劉承球泰和人母李氏歿承球自傷缺養隨母柩至墓所

露處月餘里人為築廬舍以居

周啟龍號雙池安福人事父母孝謹親歿廬墓三年居平

守正不阿人有疾病以藥療之貧不能殯者給之歲戊寅指困以活貧者卒年八十四

以上縣志

胡文燿泰和人母病日侍湯藥不倦及歿廬墓三年其子武迪孝行尤篤族人敬周亦以廬墓聞

新增

蕭可貞廬陵人邑庠生母劉氏病危割股進後年八十

蕭觀遠廬陵人母病篤割股和藥以進旋愈族里欲上其事觀遠力辭之

游玉虹廬陵人郡庠生母劉氏病危割股以療斃而復甦同族國驗邑庠生母劉氏年十八守節比歿驗廬墓三年

蕭懋瓚泰和人父患膈垂危瓚割股和藥以進遂得不吐

### 病旋愈

彭聖清泰和人父有瘵病及危聖清割股調羹飲之遂愈

以上縣志

尹作振永新人鄉飲賓母喪廬墓三年嘗捐重貲修通衢路二千丈又修道富大橋造城南渡船捐膳田三十畝

新增

劉廣度泰和人母病求醫不效割股以進父卒廬墓三年

陳善功泰和人父病危割股以進一服而痊

周廷桂廬陵人母早逝躬耕承父歡會隆冬嚴雪桂烹鷄奉父骨哽不下者三日桂割股煮湯以進甫飲而骨下

邑令旌曰純孝至性

彭啟玉字非石廬陵人母謝氏病危割股為丸母食而愈  
尤友愛兄弟邑令稱為長者

王國棟泰和人事繼母陳氏能孝病篤割股以進

龍仁泰和人祖母蕭氏病危割股以奉子起賀亦以孝著  
楊弼瑄泰和人母羅氏病亟剗右股和粥食之邑令田惟

冀匾旌

以上縣志

劉元起泰和人事母孝母卒斂葬畢露宿墓側事繼母鍾  
氏亦如之

羅次蓮廬陵人甲申歲饑饉民白晝肆掠縛其父索金蓮  
時十歲泣懇賊釋父縛引入搜困得穀數石賊義之併  
舍而去後母病割股以療父母歿俱廬墓三年

以上新增

文慕道字仲達泰和人六歲父歿依母龍氏母歿廬墓三  
年乾隆四年旌子在朝亦以廬墓著又孝子歐陽暉亦

乾隆四年旌

蕭集親泰和人賈於楚聞母病奔歸母尋卒廬居墓側乾  
隆十年旌又康集廉性孝友讓產推財同時被旌

以上詳見

縣志

周定元字異倫安福人母早喪父續娶楊氏定元事之至  
孝雍正六年秋繼母患血疾昏迷數日定元割左股烹  
奉母食病遂痊

羅崇廬陵人康熙癸卯父病痰火崇割左股奉之戊申母  
病膈食崇復割右股父母歿俱廬墓三年

以上新增

上官俊吉水人父喜推解力不逮俊恆稱貸以成之侍父病衣不解體者四十餘日撫季父遺孤教養有成雍正五年旌表

謝子爵泰和人父卒廬墓年餘以母病目促歸日飴數次母目復明以上縣志

朱翰安福人居喪廬墓三年乙酉歲饑捐穀賑濟南河安永橋屢圯先後捐修

羅賡陶廬陵人事繼母孝母嘗嚴督之陶無怨言年十四隨繼母歸寧過江口橋母失足墮水陶躍入牽母衣獲救母弟二人相友愛母亦愛之如一父母歿俱廬墓三年

賀鳳池廬陵人父卒於京師聞訃即往扶柩歸抵徐州陸行宿旅店店失火鳳池號哭求救父柩衆感之為擡昇遠火既歸葬廬墓三年乾隆八年饑捐穀以濟族隣十七八年又饑復捐穀煮粥以賑妻劉氏年二十九守節

以上新增

張泰珠泰和人父生疽幾危泰珠以口吮之乃愈母卒廬墓三年縣志

李思密蓮花廳人年十七母病割股以進後思密病其弟亦割股療之

劉錦堂蓮花廳人母病目割股血和藥服之愈

甘維則蓮花廳人割股救親獨修南善橋

徐宗元字宣成永豐人國學生迭遭父母喪廬墓六載服闋而逝乾隆乙亥巡撫胡寶瑤給匾旌獎

賀坤耦號松菴安福人年二十五失偶生一子甫三歲體氣羸弱有勸其再娶者坤耦作凜義箴以示意卒年六十有六

以上新增

附列

胡武迪彭朝貢劉尚宏蕭啟晶蕭達洪孫禮鐸曾賡劉鴻

佐張弼士歐陽振縉劉啟宗蔣日孜俱廬墓歐陽振仁

胡則照胡相傑俱割股泰和人

以上十五人縣志附載

胡慶松王大興曾英蕭立學廬陵人俱割股王濟菴國學

生彭奎廬陵人俱廬墓劉謙劉大年俱吉水邑庠鄧茂

橋孫亢發吉水人割股廬墓張修儀泰和人父母歿俱

廬墓程朝伍榮李杜才羅迥安福人俱割股廬墓彭芳

葵安福人割股母復病割肝湯叙疇永新人割股

以上十七人

據各縣冊附入

吉安府志卷五十一

人物志

行誼

歐陽文忠作五代史立一行傳他史亦傳獨行史  
 官不没人之實也然行各不同有倡義急公毀家  
 紓國者曰義行有還遺焚券建橋立渡置倉助賑  
 捨棺掩骼者曰善行有樸誠長厚以匹夫化鄉人  
 者曰質行舉其事有鉅細量其力有多寡隨其分  
 有貴賤要皆行誼無虧者立行誼傳

南唐

劉德言

宋

王翊

附王琰

歐陽斗南

陳大有

劉昌

蕭必達

梁皞

胡洪範

劉朝諭

劉叔丙

謝彥昇

謝士琳

謝士賢

謝東魯

溫紱

吳叔啟

蕭保孫

劉日新

胡天牖

陳龍藻

元

鍾敏叔

項振宗

王如川

劉隆瑞

蕭繼文

李以忠

劉愛山

王仕敬

周監

郭楚金

張均佐

劉西

陳宗達

高景瑞

劉綸

蕭天祐

蕭景

程世卿

附世達

諸思忠

蕭宏量

蕭聖觀

周樂博

周輝

鄒思貞

彭祖興

蕭華孫

劉明道

蕭廉

歐陽以忠

李倉崖

胡榮祖

劉昭

曠作成

族作楫

簡舜卿

黎繼武

龍光庭

彭寶林

錢鏌

明

羅士立

蕭應

羅仲淵

陳漢隆

藍世瑞

朱如初

彭翔

匡思堯

馮勝恭

程孟簡

戴審

李介圭

羅修齡

杜環

蕭衡

彭嵩

劉玉明

劉以亨

吳宏

羅城

李坦

陳文珍

江珙

郭叔興

龍崇志

龍光

劉仰

趙銳

蕭經

歐陽况



徐瑞 李尚惠 蕭日表 周子郁 曾于乾

李宗高 王師仁 郭元鴻 劉繪 陳良騰

劉夢材 龍沛宇 龍珣 黃得官 歐務本

劉首昂 戴紱 王之茂 朱祚昌 劉光樞附

周樂 袁彥正 胡士良

國朝

周世邦 曾禕 劉必達 郭有璉 匡光珠

賀鰲 蕭宜春 蕭鼎裕 朱昌蕃 劉梅海

徐泰來 劉德重 歐陽嶠 林珍 蕭益先

劉竟 羅昌相 蕭元環 劉廷福 郭幹弼

馮貞祐等 曾衍賁 劉達三 馮懋達 羅振惠

鄒世德等以上俱義行

南唐

劉德言安福人人物表南唐時寇亂德言率良家子弟捍

閭里全活甚衆宋平江南以所統兵歸授文階仕至水

部員外郎江南轉運使通志

宋

王翊字南鵬廬陵人靖康中授將仕郎德興縣丞棄官歸

隱闕館以教學者發廩賑饑人高其義孫王琳淳熙進

士監車輅院時韓侂胄當國欲見琳却之改瀏陽主簿

歷知南安靖州疏罷貢銀民懷之縣志參府

王琰字委安廬陵人紹興初郡盜作難大將劉紹先奉命

追之舉琰共謀琰設策奇中尋滅賊幕府上其功辭時  
浙西大歉琰獻船粟數千斛於連帥李綱上聞授欽州  
安遠尉兼主簿棄去家居益修信讓邑有兄弟訟久不  
決邑宰黃萇令質諸琰遂款琰門琰徐為開導各愧悔  
退子孚字信臣為人溫恭好結納又能與所交同憂樂  
朱子亟稱之子峴亦遊事朱門孚初授承節郎轉保義  
郎縣志

歐陽斗南安福人性質直尚風節時秦檜專政斗南上書  
言國事伏闕下三日不納退宿旅舍束草為人以書置  
手中設祭其前扃門而去後為舍人所首檜怒甚移文  
大索不可得其墳在沙塘茭湖之原每春水漲而塚不

沒通志參人  
物志縣志

陳大有永豐人紹興間國用不給詔天下豪傑能以私囊  
助國用者受職大有盡以所蓄獻上授光祿丞不受高  
宗嘉其義手書一層樓三字賜之學士揭傒斯為之記  
新增

劉昌泰和人紹興間饋餉勤王膺旌表曾孫慶善從文天  
祥勤王同時有郭志道亦從天祥起義

蕭必達泰和人開禧十四年南安洞賊入泰和焚掠必達  
同蕭必顯起義兵保障一方百姓安堵聞於朝詔賜必  
達以爵凡同死於陣者立廟祀之額曰忠義廟在府南  
火鵬里

梁皞字和淑龍泉人岳曾孫智識超羣有志畧家豐裕咸淳間歲大饑發倉賑濟民感其德名其倉為惠濟值羣賊蜂起剽劫鄉村皞集義勇保守境內寇不敢犯時大谿崗賊熾文天祥領兵進討和淑傾貲佐軍需賊平上其事於朝旌其問為敦義卒祀忠義孝弟祠子衡克承父志常焚街路建橋梁於下湖曰坐郎橋

按梁皞通志以字行作和叔

胡洪範吉水人咸淳間國學生因星變應詔上書詆賈似道專權誤國似道怒欲置之死太學諸生伏闕申救不允丞相江萬里復抗疏力言其無罪遂得釋歸憂憤而卒

劉朝諭字文開永寧人咸淳時草寇梅七作亂大軍不克朝諭協領義兵擒獲送朝有功受勅

劉叔丙安福人咸淳間一試有司弗遇遂耕讀存山嘗以身杆鄉鄰之難生平氣岸磊落學有源委急義薄利有古傑士風鄧光薦為誌其墓

俱縣志

謝彥昇永寧人生有異相胸痣如印年二十五自捐糧二十萬運至黃州接濟軍儲諸鎮資其食者以事聞寧宗召見授行軍總管固辭不就厚賜金帛歸隱東山雍正

五年建祠崇祀

永寧新志補傳

謝士琳永寧人宋季與姪宗道首興勤王義兵修龍王寨以衛翊鄉閭民賴以安辟為靖江主簿

謝士賢永寧人宋季獠寇為患奉勤王詔募士三千餘人直衝賊營破之授升鄉寨巡檢陞蒼梧尉

謝東魯永寧人宋季獠寇負固官兵夾攻弗下東魯領兵深入殲厥渠魁事聞授以爵賞辭弗受退居羅陂號介然翁年九十三終

溫紱泰和人會擊壺瀘洞出粟助餉封衛國將軍

吳叔啟泰和人其先紹興初自廬陵來典西平營寨愛三

顧山水清勝遂家焉五世至叔啟從文天祥為勤王義

七

蕭保孫泰和人從文天祥勤王傾家効力

劉日新安福人富而好義與王炎午為友當文天祥勤王

日新輦米犒師授之官不受俱縣志

胡天牖字端逸廬陵人漕貢進士與文天祥同學校相交

契天祥起義天牖盡出家財犒軍天祥贈以詩見藝文

新增

陳龍藻泰和人值縣署火災龍藻倡諸士民出力新之數

月而就不費公家一錢規制宏敞加於舊署縣志

元

鍾敏叔泰和人元初西鄙寇起州兵寡莫能制宣差何單

騎走敏叔會集鄉人討賊事平上於朝授護民帥辭不

受

項振宗龍泉人至元戊子廣獠董賢舉鍾明亮等自上猶

掠禾源泉民震怖振宗出家貲餉軍請命元戎率蒙古軍併所籍戍卒討平之戍卒當詣南豐倉猝生變振宗單騎往諭翕然就道屢葺邑學舍之就毀者增而廣之祭器悉備邑橋梁圯獨力修復事聞表其門曰好義又以賑荒格例膺上賞授進義副尉兩浙都轉鹽運使司司丞子時俊至治癸亥以扈從功授承事郎同知永昌府事泰定甲子創濟川石橋吳文正澄記其事

王如川廬陵人氣概磊砢當事爭欲羅致之俱不就會禾川被圍鄉氓之流竄轉徙者皆來依焉如川視其高下

館而周給之

俱縣志

劉隆瑞字立賢安福人今隸蓮花廳父母死喪祀循禮至

元甲午獠寇陸梁青山朝廷遣簽樞督捕隆瑞遠迎大軍芻糧畢具民賴以安豪右有憾於鄉伺間報復隆瑞以其冤白主帥活者數百人寇平閭里殘毀奉府檄代賑饑疫撫流亡有司議築壘備寇隆瑞言於閫帥罷之隆瑞少倜儻好奇節晚亦暢意觴咏鄉弟子因其宅多梅稱曰梅國先生

泰縣志

蕭繼文字士郁泰和人至正間嘗捐貲建書院於北門迎恩坊右祠其族祖清節匾曰清節書院割己田延名師以教四方之來學者無論富約咸就館穀又以入學必祭先師作孔子燕居祠以臨蒞之

李以忠泰和人至正間以子作楫克州學生員捐常稔田

百畝為諸生膳資

劉愛山安福人平章史天澤提十萬兵過境上愛山供億有方留軍一日史甚器重之

王仕敬安福人以貲佐縣官討平寇盜授指揮同知

周監字宗祥吉水人少有智識元季與子吾文誓眾為義兵召里人挈家引却東山下以伺賊釁賊焚掠醪市監父子率眾逐之賊大敗走因為水陸營以應官兵時吉安守臣梁克中治水軍於大洲上其功擢吉水州判官至正十四年歲饑告糴軍門監得粟以賑隣邑避賊者高其義扶老攜幼來依監納而育之明兵南來監以兵率其子從征

郭楚金吉水人至正十二年壬辰汀寇攻吉安楚金獨奮身力戰克復城池

張均佐萬安人至正壬辰春龍泉彭時中率眾侵屬地均佐募義士佐縣尹蕭同善縣尉荆世傑鎮守江面與賊壘相持經二載賊無敢犯

劉西泰和人至正間兵臨吉安城陷監州達正道倡義守禦帑藏空虛西首捐幣粟募勇繕兵翼佐備禦民皆誓死不去

陳宗達泰和人至正間寇攻雷城宗達募民兵擊賊走之事聞授遂溪縣厯遷石城主簿卒

高景瑞號玉壺龍泉人至正壬辰萬戶張祥守龍泉景瑞

以米五百石餉軍又以征捕功授護民巡檢既而彭  
中據縣招之不仕

俱縣志

劉綸字子綸永新人弟琚字子琚至正壬辰兵起淮甸蔓  
延江南西諸郡山藪之氓誘脅為盜綸琚協謀出貲募  
勇敢率家僮雜行伍分屯要害列狀白府府檄綸同知  
本州事屯大沙琚以廬陵尹屯西江市安成寇猝至綸  
率衆殲之幾盡大沙當永新孔道綸擒倡亂者斬以徇  
水陸由是獲通西江市據安成廬陵要衝盜出沒伺間  
奔突琚鎮定之邑小塢坑有逆奴謀其主之產盡殺三  
家口惟一孫獲免琚捕而梟諸市梏其渠獻府明年  
盜復乘崗寇出騷肆劫無忌琚復捕戮陳其尸境上

午大饑琚悉發其廩賑府使至境上立賞格捕賊邏卒  
縛治麥農數輩為俘琚抗辭立雪其冤會江西失守諸  
郡縣相次陷沒綸遂徙廬陵琚歸匿上麓山中督耕織  
以足衣食絕口不言時事

縣志

蕭天祐字師文吉水人元季傾貲聚義旅保障鄉里為官  
軍嚮道賊望其旌輒驚怖叅知政事全子仁承制授主  
簿不拜時里有劇賊擁衆數萬天祐合宗族梗其喉牙  
賊不勝憤圖掘其先人墓以逞天祐遂與苦戰度不免  
自取墓中遺骸負逃已而賊退還與官軍合勢大破之  
是時梁克中守吉安城數年賊不能破天祐等力也明  
兵南來天祐遣弟師賢率壯士從鄧愈破熊天瑞於贛

天祐容貌儒者直諒敦實家累千金同產百餘口飲食衣服一出公帑庭無間言其遠宗鄉人有貧者賙卹備至

蕭景字思賢泰和人嘗捐田易鄉人侵陂三所溉田數百頃利及一方金子仁至縣景投牒出貲為築五里營有假佛號倡亂者伺出斬之衆心懾服論功授萬安尉景不受俱縣志

程世卿世達永豐人遭紅巾之變兄弟以先世武胄為邑人所倚重時陳海倡亂境內騷然鄰邑糧草悉輸其家卿達兄弟惡其不義禁無得輸糧陳海怒卿達等竟被害姪彥謙還報請諸父練兵蓄銳以圖報復陳海竟遁

自是鄉里無兵革之警新增

諸一作朱思忠字孔厚泰和人元季恐邑有變白監州達正道求為保障許之未幾紅巾賊起即倡義領兵扞衛芻

糧兵器皆自備鄉里賴以保全金子仁承制令署興國

尹卒於家祀鄉賢泰縣志

按氏族譜諸與朱本兩姓今據詳冊避明太祖姓改朱為諸姑註明附識

蕭宏量梁瑞甫俱泰和人收養壯丁自給糧械奉達監州令防禦旱禾市西北鄉民皆賴以安

泰和志按云萬厯志梁瑞甫作梁睡甫今從康熙志作瑞



蕭聖觀字志立泰和人元末大亂聖觀以騎射自雄州守  
達正道檄令守北門時吉郡城已陷守城者退走泰和  
至北門無驗聖觀橫戟拒不納傳言於達久之乃得入  
一時皆譽其能

周樂博安福人元季壬辰之變盜賊侵境率鄉人禦之遇  
因貧者解衣推食老穉皆感其惠

周輝安福人性剛介壬辰之變仗大義率鄉人扞敵甲午  
歲歉又推已廩濟之

鄒思貞安福人紅巾亂以智勇為衆所推柵保鄉族免流  
離之苦者垂二十年

彭祖興安福人元季喪亂鄉豪橫恣弗軌祖興列實以聞  
鄉人賜衣楮幣曰奇男子明本樂初詔官兵輯鄉寇初  
興以其居建行營嘗效區畫曾孫睿亦以善行聞

蕭華孫泰和人元末寇亂率族保護

劉明道泰和人元末寇入邑民無所託明道與姪震奮倡  
義勇扼險保障民賴以安劉崧為作傳

蕭廉字安正泰和人父斯和元季兵亂又歲饑嘗散財募  
義保障其鄉又日發廩以賑廉時弱冠協心殫力佐其  
父有稱於時喜從師儒遊博涉載籍熟於近代故實  
歐陽以忠泰和人元季盜起以忠發帑廩聚義勇保障鄉  
族有窮乏者賑給之持身治家悉以禮雖耄期春秋必  
親率子弟謁先人墓

李倉崖吉水人元季紅巾寇起率兵保障奮力擊賊有功  
行省數褒賞之

胡榮祖字文叔吉水人銓四世孫樂安永豐諸寇侵暴榮  
祖特出貲接濟軍士起義兵以平諸寇詔旌表其門閭  
曰義士表其坊曰安仁

劉昭字明道吉水人元末紅巾賊起昭起義兵保障閭里  
奮力百戰江西行省移文褒之叅政全普菴撤里兵敗  
於贛至萬安賦詩曰灘頭義士猶酣戰城上將軍已失  
機所謂義士蓋昭也俱縣志

曠通志作廬陵人讀書通大義時安成巨寇將迫境作  
成以義激勇士力鬪獻俘於監郡納速兒丁監郡喜曰

得義士如君數輩何憂紅巾哉同時族人作楫亦能出  
力捍蔽生平尤狷介嗜學叅通志

簡舜卿廬陵人元季募兵保守地方寇至奮身前鋒熊天  
瑞攻吉舜卿扼之幾為所獲力戰而免監郡嘉其功授  
以萬戶

黎繼武萬安人元帥臣科征軍糗胥吏誣以河岸田地稅  
糧一百餘石民莫能輸武甫弱冠憤陳臺司不報遂詣  
京師條奏數事極言民家稅糧諸苦上可其奏授福建  
莆田主簿元末退隱壺山洪武初攜家歸城南有司欲  
為薦辟固辭自號雲谷俱縣志

龍光庭吉水人來安縣主簿當淮南有警饋餉不乏兵部

尚書黃昭招撫江西以光庭參謀軍事首倡義士黃子淵蕭景忠率眾擒賊首李彬一吉安遂平 林志

彭寶林廬陵人元季集鄉兵破走斬寇復吉安城功第一

授水軍萬戶父源竭家貲給餉將兵勤王日費千金未嘗吝惜壬寅寶林知事不可為取所授虎符北面再拜

焚之號慟欲自盡念其父九十餘未忍絕而復蘇杜門不出子志道代父領其眾內附從常遇春下贛與文正

守江西有功不言賞亦自免歸 解學士彭氏族譜

錢鏐吉水人元季盜起連結捍禦以兵法部署其眾盜賊

一不敢櫻其鋒遠近多來依之全活甚夥 人物

明

羅士立廬陵人元末參政全普菴撤里辟軍務不就贛寇

數萬猝至鄉村多遭屠戮士立率其子弟等團練鄉勇

破家募義立柵於皇崖山環數十里內皆得安堵明初

以羅復仁薦授瓊州學錄

蕭應字德聚泰和人父安正洪武初相繼長區賦應力趨

公事尤能捐己以益細民平居厚撫孤姪嘗佐兄德贊

作宗譜以貽後取耕讀名所居恆賦詩自娛

羅仲淵吉水人元末挾貲客淮南結交豪俠士洪武時應

詔至京師遂籍江寧永樂初上書言十事上嘉異之仁

宗監國江寧令王凱上元令魏鑑造戰車不如程繫御

史獄仲淵察凱鑑冤獨詣東宮陳二令賢狀仁宗召仲

淵語曰戰車重事而縣官誤之惡得賢仲淵頓首曰人  
安得每事盡善仁宗喜以為長者言即釋兩令後應天  
丞張執中以盜官錢繫獄使人誘仲淵言仲淵拒之曰  
丞冒私罪敢面謾執中啣之自誣寄鈔十五萬於仲淵  
所連逮獄長子三錫夜攜千五百金償所誣鈔得釋仲  
淵雖以強正受誣然自負好俠益甚三錫子通為都御  
史有功景泰中

陳漢隆字世賢泰和人宗達子元末遂溪賊起漢隆為賊  
所獲脅之不從縛益急至中夜忽自解得脫去及賊平  
前刦者望見愧避漢隆召而安慰之人益高其量明初  
撤所居堂舍造學宮遣其二子入為弟子員俱縣志

世瑞字應祥吉水人明太祖討陳友諒世瑞載白布五  
千疋赴鄱陽助軍太祖喜旌授冠帶建勲義坊卒贈忠

襄大夫據義集  
新增

朱如初萬安人洪武間西境寇發官兵圍寇境畫地圖欲  
盡殲之如初白縣令當區別善惡或以圖成難易告如  
初曰畫地之功與萬安人之命孰重縣令遂改之良民  
獲免設義塾於城東隱居教授文貞楊士奇贈詩有甘  
依泉石老不應棟梁求之句縣志參  
通志

彭翔安福人洪武庚申陳寇叛助戰鄱陽朝廷封為義士  
授副府鎮守湖口妻劉氏遇賊欲污殞身浦口崖巔亦  
封為烈女淑人新增

匡思堯萬安人洪武時以草莽臣上疏通水利以紓民難  
辭旨愷切上俞之採思堯所陳諸圖命官鄧南易祥可  
專理疏鑿復令周視天下溝瀆川渠宜開導者無俾障  
塞學士解縉作疏源記志之功成授工部虞衡司主事  
縣志

馬勝恭龍泉人洪武間以石甃南中陂灌溉田畝甚多後  
洪水衝決于南金復修縣志

程孟簡永豐人少負剛氣鄒瑾為奸黨所殺孟簡以通婚  
媼坐連坐擬邊遠軍遂自刎於兵部堂上部官為之動  
容為真義士新增

戴審一作永豐洪武末授五軍斷事司稽理以事謫戍

宥歸郡邑載薦之不就壬午歲鄉惡少欲聚為亂審設  
方畧追捕未幾各鄉盜起環境獨晏然故人舒庸死投  
以子竟教育成就之有古愚集又有慣窮集福乘藏書新增  
李介圭信圭弟泰和人授承事郎嘗置義莊給族里之貧  
者邑人陳循為作記

羅修齡永豐人大盤山盜起朝廷命有司捕之修齡集鄉  
兵三百人具白粲百斛以從正統中復輸穀二千五十  
石備賑濟奏名賜勅旌為義民

杜環字叔循廬陵人侍父一元游宦江東遂家江寧環好  
學工詩謹飭重然諾喜周人急父友兵部主事常允恭  
死於九江其母張氏來依一元歿已久見環道故環扶

就坐呼妻子出拜厚遇之母性褊急留環家十餘年私  
誠其家人由順無忤病則親烹藥以進環官太常贊禮  
郎奉詔使會稽道嘉興逢其子伯章以告餘半歲伯章  
始來見母尋以他事辭去環奉之彌謹比卒殮葬如禮  
蕭衡字彥平龍泉人宣德庚戌授廣州府衛倉大使改潮  
州清溪巡檢陞湖廣宣陵縣主簿致仕景泰壬申捐貲  
買彭汝霖地基為本學訓導公廨

彭嵩項棐俱龍泉人景泰甲戌各捐銀二百四十兩重葺  
日新時習二齋及齋旁翼室

劉玉明萬安人景泰三年捐貲建櫺星門三座

劉以亨龍泉人景泰癸酉捐銀八十兩建鄉賢興學二祠

### 祭器官書二庫

吳宏永新人宏治七年捐銀三百兩助修廟學邑令王嘉  
其好義有記

羅城

舊志作誠

吉水人邑諸生修撰羅倫言事被謫城奮然欲

救之白於巡按陳選遂徒步赴京上疏敷陳王道三十  
二條深切時弊忤當道以為倫黨下禮部議罪尚書姚  
夔命作雪歌立成二篇讀之獎嘆不置名動京師侍講  
彭教贈以詩云布衣徒步自江南上奏公車直氣酣畝  
畝憂時人共羨班行竊祿我方慚不逢且復龜藏六有  
韞何妨足削三賈誼有書歸取讀他時捫虱聽高談  
李坦安福人隱居錢山性嗜義嘗畫田一方為井擇族中

八人授之耕以其中分田供稅井之所不及更置五十畝以食鄉人之不給者坦兄坤無後嫁其妾於鄉人不知其有身也未幾生子坤死田產并於坦坦廉知其事物色所生子絕類坤急取歸為娶婦以兄產盡授之邑大夫嘉其義題其門曰義門

陳文珍永豐人當逆濠叛首倡義舉太守伍文定旌其賢子壁暘嘉靖庚子甲辰歲大饑亦能助賑邑令凌匾以尚義

江珙字德寶永豐人正德十四年六月宸濠叛王守仁起兵吉安郡守伍文定與珙定策火攻珙以吏員理中軍事至鄱湖王家渡阻風不進珙仰天祝告忽得西南風

遂殺獲賊首黃永淳從賊劉金等十三人以功授河南斷事

郭叔興號瑞菴龍泉人正德六年桶崗寇變御史王守仁率兵征勦叔興助穀一百石給軍需有司上聞獎以義官冠帶

龍崇志字達所永新人太學生州同知助建本邑浮玉閣銀四百兩

龍光字冲虛吉水人八歲為諸生改國子生為大足丞致仕光為人跌宕慷慨喜交遊謁王守仁於軍門授為叅謀攜之聞至豐城聞宸濠反光贊守仁易舟南趨吉安詐為兵檄以撓其進止又偽書反間以離其腹心陰謀

秘計多諸將士所不與知嘗遣親信義子作間諜遇害  
不復反又集家僮百十人備鎧仗從義兵後宸濠平嘉  
靖初論功授滁州判官九年守仁有田州之役復檄以  
從時將撫盧蘇王受二首疑守仁給已陰持兩端守仁  
遣光諭意光單騎入其營坐胡床引二首跪宣朝廷威  
德與軍門寬厚意遂俛首獻款先是守仁擒宸濠權閭  
肆讒公卿猜忌守仁既卒功賞不行光耿耿無所向世  
亦無有知光者子履祥一名烏遊王守仁門好學早世  
人咸惜之

按通志光傳并跋本豫章書不如縣志尤核其云由  
椽為縣丞致仕與此亦小異又其子履祥遊王門事

已別見

劉仰字高夫廬陵人宸濠反仰率族屬丁壯詣府請戍城  
自効知府伍文定義之比濠擒歸優游雲峰之下日事  
施與繕橋道十餘所立義學課鄉人子弟知府奉詔爵  
之不受舉鄉飲賓亦不就年七十七卒羅洪先為作雲  
峰傳

趙銳字仲穎廬陵人王守仁令廬陵銳與從祖允霖竝以  
布衣遊其門會宸濠反守仁集師螺水上銳與允霖獻  
千金犒師從軍有勞績濠擒守仁欲爵之銳力辭去以  
布衣終

蕭經字西源廬陵人正德間掌府刑椽宸濠反從伍文定



行軍選騎執銳為前驅大閹張忠忌文定功因見執而  
撻之經掖之回舟文定告病歸武皇幸南都遣大瑞赴  
江西定功次索各官賂不得誣以私通宸濠檄解吉屬  
文武官十七員置大辟新代者愕然計無所出經請以  
身當之詭稱文書到郡掾房不傲於火請治掾罪緩以  
時日代者從其計十七員由是得免瑞下部杖經八十  
流雲南期年遇赦歸以子官累封奉政大夫

歐陽况閩子泰和人嘉靖間以貢如京師入太學同舍某  
病調護盡力歿則棺殮某子以謁選稱貸畀之數百金  
徐瑞永豐人嘉靖甲午歲大饑民家積稻皆貴糶收倍利  
瑞獨受質出貸乙丑春民饑如甲午貸復如之辛酉流

寇劫縣鄉民入城避者隘不能容瑞首出數百金倡擴

城之議宸濠不軌助糗馬急公前後邑令咸禮為鄉賓

天性孝友教家甚嚴子祐官提舉有行誼

俱縣志

李尚惠號如賓吉水人性豪爽任俠刻勵讀書不第改

監為真定府幕時熊廷弼為司李重其才引置左右凡

所設施皆其措畫熊與太守不合恨尚惠附熊誣以事

後寤遂釋尚惠竟棄簪冠歸里里中貧乏悉仰給之園

池居室為族人侵踞亦弗較與同邑曾同亨一意為地

方興除修學宮雪浪閣同江水次倉本里保禦皆經營

不遺餘力

參府志

蕭日衣永寧人嘉靖間延寇擾境表統俠禦之寧

建祠崇祀匾曰効忠

周子郁字福人士辰兵後民甚困稱貸苦重息子郁兄弟  
歲儲穀五百石薄其息貸貧民者儒周莊述平貸志其  
之永樂初林僉事瑜部兵勦里寇子郁兄弟五人俱效  
忠勤林表其閭曰獨清

曾于乾泰和人為諸生有各遊學閩粵間路出贛州會關  
以譏察私鹽久閉羅亦隨于乾抗書投大府羅從萬  
餘言大府為屈禮延納開通羅諸鹽曹循故事敘厚  
資納于乾弗顧司理王華向為同塾友下車歡然道  
故于乾終華官無私謁羅之招處石蓮洞六年

李宗高號高峰廬陵人因探燕至與會太監曹天祥奏勅

督醮杖死商民無數宗高憤馬曰朝廷差汝徵稅何殃  
民病商曹怒執毒杖之罵聲愈厲錮獄半載遇恩詔得  
釋宗高即詣闕鳴冤擊登聞鼓禁官執送鎮撫司治罪  
得釋粵商民皆德之立祠祀焉後鄒元標遣戍過五羊  
有詩弔云從來七尺皆男子卓莽何人更似公俱縣志

王師仁字守安安福人今隸蓮花廳嘗捐金構書院題曰  
識仁劉元卿記之縣志

郭元鴻字于達泰和人少從師學易授程傳復私披焦氏  
易林旁通數學往鄉賊起汪副使提兵宿祠下逮元鵬  
取鍋五百元鴻代往啟曰軍行師從古者刁斗相隨即  
鍋之遺意民間何所得此汗怒榜掠數百繫之馬首賊

猝至汪遇害元鴻從間道得免其子子章既貴猶布衣  
蔬食不改其素鑿阜濟渠修陂圳設渡舟利賴甚溥

縣志

劉繪字岳常安福人今隸蓮花廳里中江洲水通禾川阻  
於石繪捐貲自南溪至谷西陂鑿石數十里以通舟楫  
郡縣交獎之里人劉吉為作義川記

廳志

陳良騰字汝升永豐人江閩廣寇發騰領鄉兵守禦地方  
民賴安堵邑令吳廉其能顯委清丁山糧鄉人咸服公  
直缺名申明亭中

劉夢材字橋楚廬陵人丙戌兵破城避難者及河舟人皆  
奔無舟可渡夢材率其族人以竹為筏濟之晝夜不少  
息全者甚衆卒年八十六

俱縣志

龍沛字泰和人萬曆中訪潯州太守宗人國祿於肇慶過  
庾嶺道經南雄適邊寇猖獗遭漁劫者不啻千家沛字  
止逆旅中慷慨捐囊金募鄉勇七八百人條畫戰守動  
中機宜殲渠魁斬首寇遂平捷聞當道上其事題  
授驍騎尉辭不就嶺南一郡慶再生建祠祀之

新增

龍翔字祀溪永新人以國學生官雲南叅軍候選京師時  
鄒元標以彈張居正奪情廷杖幾斃一時知交親暱無  
敢近者翔初未相識急往救之為之躬負入獄朝夕護  
視得免於死人服其義直指使朱鴻謨旌其堂曰慕義

表忠

黃得官字惟人廬陵人崇禎鄉舉甲申國變得官從軍効

力馳驅吉籍以病卒於永豐山中妻尹氏守制削髮為尼築室曰唯登志

歐陽務本號雲谷廬陵人性慷慨急大義嘗捐貲建社為族人營婚葬罄橐無所靳歲甲寅邑里大歉乃罄困中粟賑饑時兵憲吳檄民輸粟者予冠帶里中士將撫其事以應辭弗受常遊粵西全州時西延徭以私忿內訌州大夫不能制奉檄往諭力陳利害徭遂帖然年八十終以子主生貴贈南京兵部主事祀鄉賢祠新增

劉首昂字閻客廬陵人一作安福邑廩生弱冠失怙與弟同居無私積以其父所遺田為本支以下供祀事值羣盜蜂起僮僕肆叛劉氏被禍尤慘率鄉族人乞師捐數百金

為勦除費亭平家酬以腴田不受即以助祭修祠益肆力於學後領薦所著有周易講義及詩文等集無志按首昂廬陵名儒並載事蹟皆同當是訛連互見

戴紱廬陵人府諸生崇禎癸未張獻忠破城郡中無賴子假賊號東下鄉取馬紱誦知麾族人截殺之督學吳炳聞之召拔紱食廩餼後因國變遂以隱死

王之茂字蘭晚廬陵人性淳謹每歲四五月散穀於祠以贍族人歲饑煮糜濟饑民崇禎間軍餉告匱之茂輸千金賑是朝廷嘉其義建坊旌之年九十卒

按縣志義俠傳內一載王蘭晚逸其名富田人即此傳一載王之茂字蘭晚淳化富田人朝代年歲俱同

當為一人

六祥昌字俊宇永新人老友力學善楷草崇禎丁丑楚寇入境倡鄉勇禦之授以劄昌弗受親知劉三異效託以幼子昌為經理家務及長還其籍一無所私家居樟楓橋圮三營產以成人有急為轉貸以濟或代償之家遂落無怨言子扉領一鄉薦

劉光樞字毓秀永新人少負異才學黃寓庸首拔之後以六廟基土為勢豪占據倡義清復未幾暴卒邑人士惜之俱縣志

附列

周樂永豐人壬辰寇起嘗率鄉人禦之

袁彥正秦和人為人奉公惟謹貢賦必先

胡士良吉水人傾貲率眾保障鄉里俱人表

國朝

周世邦號玉達永新人倜儻好讀書順治二年土寇肆掠世邦奮然率族中子弟膂力者殲巨魁數十人寇竟平歲饑輒散所積穀貸民不計息

曾禕字曼長秦和人少孤事二兄如嚴父讓宅與姪受室破產紓仲兄之難甲申寇亂邑有假勤王名擁千騎出石山將肆剽掠者禕偵知其人葛巾野服入其軍斥責之其人惶恐下馬投戈謝罪急引還里賴以寧萬元吉撫虔首薦禕不就晚歲隱青原俱縣志

劉必達吉水人幼有才畧順治丙戌兵變被執稍長逃歸  
復遇乙卯山寇竊發慷慨率鄉都勇壯奮力驅除士女  
得安戊午歲荒煮粥賑濟遠近咸賴之新增

郭有璉號商侯萬安人少從父讀書甚穎異艱於遇遂究  
心韜鈴雋武闡乙酉乞師勦土寇甲寅滇黔寇據吉郡  
以偽爵致之不就復同官師進勦身任先驅奪回男婦  
無算子定儼壬子舉於鄉

匡光珠泰和人康熙甲寅之變倡義禦寇捐粟千石贍養  
鄉勇又輸金五百兩助官兵餉境賴以安

賀鰲字月池安福人生平撫孤恤寡好行其德鄉俗庄佃  
中育女者當許字時必先餽銀田主名曰河例以故佃

人多溺女弗育鰲概豁免之至今鄉俗頓改

蕭宜春泰和人有孝行甲寅寇亂倡義保境連歲游饑出  
穀數百石賑荒所居山境石路崎嶇募工修鑿百餘里  
同時尹金沐亦以義行著稱

蕭鼎裕泰和人康熙間捐助兵餉平山寇亂又施棺掩骼  
頻年游饑倒廩賑濟俱縣志

朱昌蕃泰和人康熙甲寅山寇肆亂昌蕃傾囊募勇士百  
餘守禦鄉人賴以安堵又鉄爐坑閩粵通衢山路崎嶇  
為拓平二十餘里復立茶亭置田五十畝為永久計新增

劉梅海泰和人有智畧吳逆之變被執不屈後脫歸發財  
粟募鄉勇守禦復分隊入賊圍以死鬪賊遂散後兵荒

鄉民告饑傾產買米四百石計口分給里黨賴以全活者衆新增

徐泰來吉水人邑庠生康熙十四年捐田租五百餘石入儒學為兩齋薪水費縣志

劉德重泰和人甲寅兵逆之變率鄉丁當其衝德重項被矛刺猶摩刃捨其甲首駐大瑞俘馘無算丙辰龍泉寇空壁而來隨李副總為前鋒要寇馮纓岡俘馘倍大瑞之捷授百總後平永新寇副鎮邑嘉其勇與邑令張協薦把總鎮白羊坳祀忠義祠新增

歐陽嶠字慧中龍泉人候選翰林院待詔乾隆二年移建學宮捐錢一千兩為之倡縣志

按歐陽嶠倡捐移學宮係乾隆二年縣志作雍正二年誤今改正

林珍字崑山永新人今隸蓮花廳性穎異博學艱於遇會新設廳治屬其子太學生孔拔等獨力捐建明倫堂當道皆褒之廳志

蕭益先泰和人學宮櫺星門傾圯不吝千金獨力捐修沿溪渡口建亭施茶遇漲催舟撈救漂屍施棺掩埋新增

劉竟字步瀛永新人今隸蓮花廳乾隆壬申捐田租入學以資膏火廳志

羅昌相字調三龍泉人監生乾隆甲戌年捐銀四百兩助修五峰書院縣志

蕭元環萬安人乾隆二十二年邑興義學首捐田糧一石  
五斗五升新增

劉廷福字遐降蓮花廳人性孝友喜施與乾隆二十三年  
捐穀三十石貯社倉廳治新設創建上諭亭學宮及  
琴水書院各輸重貲捐田租十石為書院膏火子映奎  
乾隆三十七年復捐田租二十石入書院新增

郭幹弼龍泉人鄉飲賓乾隆三十二年捐田租二十九石  
為五峰書院膏火縣志

馮貞祐字天瑞龍泉人以子貴贈修職郎捐田租二十五  
石為五峰書院膏火同邑郭商文李修五監生馮懋遴  
吏員王元士俱各捐田租二十五石為五峰書院膏

火元士又捐田租三十担黃土關燒茶縣志

曾衍賁字采文龍泉人監生乾隆三十二年捐銀四百五  
十兩助五峰書院膏火縣志

劉達三蓮花廳人乾隆三十七年捐琴水書院膏火田租  
五十石又捐銀一百兩三十八年獨力捐備樂器現貯

學宮新增

馮懋達龍泉人同邑監生郭隆郭義盛各捐銀一百兩助  
修五華堂縣志

羅振惠秦和人候選州同捐銀一千六百兩修理東西廡  
邑令鄭修為之記修祖祠建家塾創義倉均重貲不吝  
乾隆丙戌舉鄉飲賓新增



鄒世德捐田租三十石監生朱紹賢捐田租二十七担鄒道澍捐田租二十六石鄒道祖鄒啟桂貢生李佐生員彭好古監生郭鴻圖郭廷錦郭緩侶俱龍泉人各捐田租二十五石為賓興田以助本學文生鄉試資斧署知縣鮑吳條有記 縣志

以上俱義行

宋

蕭君玉 樊資深 曾裕 李彥清 周務實  
馮魯山 鄭開先 羅士友 謝宗和

元

陳顏 鐵柱雲 周莊 王克清 歐景哲

明

徐平遠 黃敬 劉庭老 鄒濬 劉源深  
彭懷等

尹純 范天柱 歐孚先 甘道心 鄒炫

周伯益 謝子寬 曾時望 匡崇敬 張宗器

徐先得 楊子旭 劉統 王九鼎 甘峻極

彭遵謀 劉南周 尹紹興 朱信 賀大行

周仁俊 曾希恭 曾友謙 方宗周 陳子良

張伯隆 尹碩膚 劉述倫 曾子韶 謝允謙

胡思 彭淵潛 樂象明 陳公俊 李貞觀

劉康 朱祖貴 李曰昌 楊曠平 李本彛

項 榮 彭 冠 羅 忠 劉 克 鑄 李 宣 旦 贊

李 志 沂 馮 貴 隆 王 時 誠 李 敬 周 望

陳 良 賀 昂 友 蕭 時 舉 楊 崇 儀 羅 暘 五

周 憲 張 萬 鼎 秦 明 學 袁 汝 昂 敬 尚 忠

王 守 禮 劉 費 鄒 慎 曠 溥 蕭 迪

蕭孟魁 龍元珠 劉 騰 良 尹 楷 彭 南 麟 劉 鍾

李 尚 朴 張 元 曉 蕭 誠 羅 照 陳 忠

謝 頤 陳 經 貫 陳 忠 厚 尹 常 通 尹 瓚

方 宏 持 彭 悱 劉 介 禧 溫 秉 悅 何 廷 貴

龍 振 麟 帥 朝 達 胡 周 誠 郭 敏 道 馮 顯 寧

羅 宗 鑣 何 珺 羅 英 蕭 相 徐 近 璽

曾 自 任 聶 齊 二 張 宗 舜 羅 介 宗 羅 啟 憲

劉 岳 何 鏗 張 祖 煜 等 姜 世 絮 王 廣 倫

孫 松 樓 徐 卿 劉 三 傑 劉 至 周 蕭 隆 樞

曾 裕 聶 坎 一 劉 汝 宿 盧 應 台 吳 迪 逸 等

帥 相 允 鄒 琳 戴 希 剛 劉 民 望 歐 兆 叔

王 應 天 劉 懋 綵 劉 週 朱 奇 鳳 羅 如 邦

劉 良 賓 劉 文 渤 歐 陽 德 王 偉 生 彭 德 教

張 汝 珍 劉 希 昱 衷 日 炳 郭 來 復 附 陳 坦

饒 成 彥 等 胡 有 初 等 蕭 襄 等 劉 祖 貴 等 徐 致 敏 等

楊 子 佩 等 徐 叔 昊 等 蕭 行 廣 等 嚴 琬 等 尹 坤 寧 等

江 汝 貞 等 張 敬 等 以上俱 善行

宋

蕭君玉字泰之泰和人天聖間歲饑嘗發庫穀便糶鄉有

疫竊必親餽藥并撫其家又施惠行人卒葬流源皇祐

四年冬甘露降於墓松七日員外郎王國聞之屬知縣

林肇按視肇盛露送郡適郡中燕賓和露酒中味如飴

表聞付史館子筠州推官迅建甘露亭於墓道

樊資深字逢源永新人少遊汴問學於司馬光皇祐初中

拔萃異科授潞州別駕告歸為人剛介博通經史周恤

嫻族鄉有貧無食死無棺者畢力濟助之

會裕字公綽泰和人一作永新熙寧中大饑裕獨散緡錢以給

無告明年復設粥於路鄰封就食日以萬計安撫使劉

瑾檄邑令以聞裕嘆曰吾豈獨名幸福者哉寢不復論

元豐末吏治逋租甚急狂獄滿餘繫公所多饑餓裕常

代其輸元祐初歲荒裕又發穀減糶及卒會安止以安

靜居士易其名為作傳俱縣志

李彥清安福人官宣教郎有彭三甫者因治案問死罪彥

清憫其無辜以家藏金孟代贖曰與其收死器莫若救

生靈廬陵胡銓高其行誼題其堂曰金玉流芳新增

周務實安福人隆興間寓臨安邸舍拾珍珠一裹明晨失

珠者來曰經商十年所得盡於此今失之不如死務實

憐而盡還之

馮魯山永新人少時市故書於肆中得遺珠珠數十求其

人歸之又常有友人繫獄罪當死為之出數萬緡得活人服其義

鄭開先弟智先泰和人嘉定中江南饑僅加以兵戈捨攘  
餓草載途開先兄弟饑予食渴予飲遠近待以舉火者  
不少復立義庄置長府以周鄉里設羹飯於雲津橋詳  
吳澄雲津書屋記俱縣志

羅士友字兼善一字晉卿廬陵人未弱冠喪父取先逋券  
焚之人有急亟賑恤或有負者無少動於色其人死益  
恩恤其妻子為人謹約終日危坐無惰倚女隸無敢近  
几席里之言家法者皆曰羅氏景定間授承務郎致仕  
卒所著有史編十卷諸家詩體若干卷參府志

謝宗和字竹坡永新人今隸永寧嘗立義學以教子姓淳  
祐歲饑出粟散賑塗有孳捐棺葬之事聞辟為德安縣  
令辭弗就縣志

元

陳顛字伯淵吉水人大德十一年歲饑發穀以賑族里計  
口給之全活甚衆人稱貧即與之歲既稔不受息延祐  
乙卯寧都寇作官兵討捕所過暴橫顛具酒牢以慰遣  
之間里得不擾泰定乙丑州守馬稱德新學校顛捐已  
田入學以贍師生親戚子弟孤弱者教誨婚娶之如已  
出

鐵柱雲慈泉人父沙板為龍泉縣達魯花赤任滿因家焉

大德丁未泉邑大歉柱雲發廩千五百石以濟民艱邑  
尹上其事表其門曰好義

周莊安福人嘗拾囊鈔六百貫俟索者不至歸禱於神再  
往俟之其人泣而來莊慰而歸其鈔

王克清安福人嘗於旅邸獲遺鈔數千貫同寓者相賀清  
曰汝等聞向敏中事乎竟不取歲凶出粟賑貸以為常  
有貸清錢者將鬻子女售之為焚其券

歐陽景哲吉水人至順庚午歲大饑發積粟以賑鄉民活  
者甚衆本州聞於朝詔旌表其門

徐平遠吉水人出粟賑饑詔旌宅里

黃敬字仲簡吉水人嘗捐貲造官陂橋復株水陂置楓子  
江渡船農事告急鄰里有不足者輒貸之粟之家熟鄰  
人子弟來學凡有所求應時予之尤喜賓客四方遊士  
過門禮接如不及

劉庭老安福人沉潛六藝篤行誼歲祲設粥食饑者有父  
子客死庭老經紀喪事且撫其孤桑田溪潭隄尸滿野  
為載糗糧具棺槨以照瘞之

俱縣志

鄒澹字次清廬陵人蚤孤修長者之行發穀賑荒鄉里有  
警率衆以相保造橋楚途以利行旅嘗作亭曰月近鄉  
里賢之咸曰鄒月近

府志

劉源深安福人至正間歷任常德司訓韶州學正嘗拾遺  
金於市俟其人歸之子子翔明初以薦辟起奉命賑河

南志官山西叅政多惠政以養歸縣志

附列

彭讓劉祉安福人縣志以上皆好善喜施

明

尹純字務厚泰和人洪武初分領本縣學教事陞上海教諭嘗捐己田作陂以利耕種鄉人名曰尹公堤

范天柱永豐人洪武間輸粟助賑奉旌義民

歐陽孚先號後峰泰和人國錄在之子在善行元季隱居不仕孚先嘗教授龍泉歸途遇一婦人哭投水孚先詰其故則其夫以甫次株連病且死嫁其妻以償金復為攜者失去孚先係金以其半贖婦半償賦遂解其

元孫觀民喜蓄藥濟人適有贛卒艤舟江干同舟二人病篤莫知所指因與之藥留十餘日病竟愈

甘道心泰和人喜周急資貧度不能償者焚其券洪武初贛屬不靖官兵俘獲生者悉械送京師取道泰和道心資以飲食衣履復給以米人稱長者

鄒炫字元魁永豐人當靖難後族屬零落炫聚而教之費皆已出先世第宅為豪右所侵倍金購復所居當往來之衝建橋設廩以濟行旅有貧不能葬者輒備棺給之有旅人卒於道炫與棺瘞後其父踪跡其子炫指得其處并歸其囊金

周伯益廬陵人上粟五百石旌表其閭賜冠帶

謝子寬字以居龍泉人弟子隆字雲軒子宜字義園宣德甲寅旱各出穀五百石貸貧民輸逋賦正統丙辰庚申行勸恤之曲子寬子隆各納穀二千石均勅旌義民景泰子承寬子汝泉汝先隆子汝鈞汝賢子宜之子汝涵汝干汝霖汝謨相率捐千金修吉安府學又捐銀一千五百兩重建大成殿及兩廡各如制壬申復舉勸助故事汝泉汝卓汝涵汝謨各捐穀二千石賜冠帶督學御史李齡為之記

曾時望萬安人正統六年境大荒望出粟二千五百石建義倉於武朔救之成化四年荒又出粟一千三百斛於義倉流民爭就食望倣青州之法賑恤不遺文廟傾圮

捐金修建凡橋梁陂道損壞者傾貲修舉如蜜溪之橋黃塘之路皆時望所舉

匡崇敬萬安人邑獄司卑濕正統戊午敬捐貲甃井以疏水因後罪囚墮井遂塞之宏治壬子雷霆交震赤光從獄中出井忽自開邑令郭傳崇敬裔復為修浚當時有風雷開義氣霜雪見忠魂之贈忠魂乃王麟也以抗疏獲罪置獄尋死七日霜雪并降

張宗器萬安人正統六年出穀二千二百石建義倉於金竹舖以濟貧民後旌其長子為義民給冠帶子守仁亦以長厚成名妻朱氏年百歲

徐先得永豐人正統五年歲歉詔勸民出粟賑濟先得捐

穀二千五百石有司以聞旌為義民

楊子旭永豐人河南大饑旭出穀二千九百石賑饑正統

六年旌賜羊酒免徭役庚子邑大荒其孫盛卿復出穀

五百石賑荒邑令瞿旌表尚義

俱縣志

劉統字岳泰安福人今隸蓮花廳正統元年歲大祲統應

詔輸粟一千五百石備賑濟旌為義民

王九鼎字禹範安福人今隸蓮花廳正統元年應詔輸粟

賑饑旌為義民

甘峻極字汪洋安福人今隸蓮花廳正統元年輸粟二千

石備賑濟授宣義郎

彭遵謀字以燕安福人今隸蓮花廳正統間應詔出粟二

千石旌為義民

劉南周字叶雅永新人今隸蓮花廳正統間出粟一千五

百石助賑濟旌為義民

俱廳志

尹紹興永新人正統六年饑出穀四千二十石助賑旌為

義民

朱信字誠望廬陵人捐穀百石為族姓子弟膏火獨力捐

建社倉儲穀千石以備鄉鄰荒歉正統己未歲饑捐穀

二千石助賑濟復建義倉儲穀聽官斂散有司以聞旌

為義士卒祀忠義祠

賀大行字可大安福人嘗凌晨遊深山見人宿於樹枝怪

問之云自楚來至此縛樹間避不虞大行因於此建亭



安福萍鄉界前後三十里中止一旅店大行置一大幄  
方廣丈餘懸店中有病者留弗遣躬調藥進粥糜性坦  
直而能忍寒無宿儲有即以應人急歲祲有將錠裹鉛  
易粟者大行悞以納賦縣官廉而詰之大行識其名意  
不欲舉易粟者曰吾豈肯負善人乃自首後其人踵謝  
大行仍敬答之卒年九十四俱新  
周仁俊吉水人巡撫忱之子歲饑與叔恂友各捐穀二千  
石助賑又各獻良馬於邊朝廷嘉其義並賜冠帶旌為  
義民

曾希恭吉水人正統二年捐穀二千石賑饑勅旌義民  
曾友謙吉水人正統六年捐穀一千五百石賑饑勅旌義

民

方宗周字樂幽龍泉人正統庚申宗周出穀二千石建義  
倉貯之勅旌義民景泰壬申宗周之子宏佩宏珍宏璧  
孫懋時重修學宮明倫堂尊經閣及集禧寅賓各所捐  
費一千五百兩義聲益著

陳子良字葛隱永寧人正統六年歲大饑出穀賑濟奏聞  
賜勅褒嘉立石題名

張伯隆永寧人正統六年出穀賑荒詔旌表門閭立石建  
坊免其徭役

尹碩膚永寧人正統間施穀賑荒奉旌建坊賜冠帶

劉述倫號介軒泰和人性剛直厚於倫紀族人鑿卿舉家

病疫死亡相枕藉親戚無敢入其門者述倫囑家人善視之旬日疾愈鄉人有典司縣庫者嘗寓食述倫遺官錢徑去述倫仍出其原封授之人皆高其義

曾子韶廬陵人富貴好義歲賑饑民嘗作義倉捐穀一千二百石正統二年賜勅書勞以羊酒免本戶雜差子孫建勅書閣於嶺下

謝允謙安福人家置義田以調不給與貧不能葬者洪熙間邑令趙舉為萬石長正統壬戌與同邑胡中贍曠崇嶽張巨川彭弼謨等各納粟二千石賑饑旌為義民景泰丙子歲荒允謙揭貸轉糴存活尤多孫實亦以助賑授冠帶

胡思安福人嘗設倉以貸貧民歲不收息居近要道設水漿理橋梁里有病不能致醫與死不能葬者購棺築棺槨予之正統間輸粟千石布千疋助賑旌為義民

彭淵潛字見龍安福人今隸蓮花廳正統間應詔輸粟二千餘石旌為義民

樂象明泰和人邑庠生正統五年春山左饑象明出粟二千石助賑濟事上旌義士

陳公俊泰和人景泰間歲頻荒公俊出穀二千六百石助有司賑濟上聞勅旌建坊榮以冠帶

李貞觀吉水人正統景泰間出粟旌為義民

劉康萬安人置義渡百嘉村復置義田為久遠計詳宏治

舊志

朱祖貴萬安人性慷慨人有患難不能自釋者解金以贈不責其報稱貸則焚券以慰其貧贛州龍頭村慕其德義立廟祀之嘉靖間祀鄉賢

李曰昌永豐人好善樂施改修學宮助穀千石

楊曠平字坦道安福人今隸蓮花廳景泰間歲歉奉詔輸粟三千石備賑濟勅賜宣義郎建尚義坊

李本彝龍泉人九疇子景泰壬申捐銀一百二十兩創大成門癸酉奉文勸卹捐穀二千石賜冠帶

項榮字所臨龍泉人景泰辛未捐鐵四百觔鑄本學鐘壬申捐穀二千石備賑賜冠帶成化庚寅復獨力捐資修

復魁星閣

彭冠龍泉人景泰壬申納穀二千石建惠慶倉奏賜冠帶旌為義官

羅忠龍泉人景泰壬申納穀一千二百石勅旌義民

劉克鏞號東序萬安人景泰中大荒應詔出粟一千石賑濟賜冠帶旌表其義俱縣志

李宣旦李宣樂俱永豐人天順間北直大饑遣子買麥抵京賑濟詔賜餘慶衍祚額旌為義民御史宋元端為撰

碑新增

李志沂龍泉人天順二年歲饑沂輸穀百餘石以賑縣志馮貴隆字三畏安福人今隸蓮花廳天順二年輸粟賑荒

旌為義民復奉例納粟授冠帶勅建尚義坊廳志  
王時誠永豐人天順二年輸粟二千石於象山倉賑濟奉  
勅嘉獎

李黻龍泉人天順戊寅納穀一千石旌為義民

周望王永復俱泰和人天順間以惠恤立石題名

陳良永寧人好義樂施天順元年旌表賜冠帶俱縣志

賀昂友字雲驤永新人今隸蓮花廳成化元年京師大歉

昂友運粟三千石至京賜勅獎異授冠帶建尚義坊廳志

蕭時舉曾與明俱泰和人捐穀一千五百石備賑成化間

立石題名

楊崇儀劉履陽羅叔儀俱泰和人成化間出穀備賑不受

冠帶

羅暘五字尚實吉水人喜周人急族黨多藉以舉火故舊  
有被誣者百計營之出獄或鬻產於暘五以贖父罪所  
鬻乃上世祭田暘五裂券還出且倍價助之

周憲字用賢吉水人家貧貸人錢商於楚時楚饑有貸於  
憲者貧不能償憲為焚其券其後家稍饒兄弟求分財  
憲聽兄弟取便利常拾遺金於道坐待其人還之在楚  
拒奔者終夕不亂

張萬鼎吉水人成化初輸穀二千五百石於官以備賑有  
司為立石於門旌之

秦明學吉水人成化間捐銀三千兩賑饑縣令蔣紱請於

上官旌其門曰尚義

袁汝昂吉水人成化間捐穀二百五十石後出仕長沙縣令蔣紱立石旌為義官

歐陽尚忠吉水人郡庠廩生成化五年出粟五千石賑濟郡縣以聞旌表其門曰世義

王守禮廬陵人成化十七年大歉守禮捐穀一千七百石賑饑又舉義倉有司以聞賜勅旌為義門壽百有一歲

劉黉字貫裕永豐人成化三年大饑出粟助賑修先師殿西陽宮文忠祠前縣令強滿唐瑤俱以賓禮待之嘗從

征斷藤峽積寇晚年徜徉詩酒間

俱縣志

鄒慎龍泉人邑廩生成化間邑歲頻饑慎出粟千石賑荒

事聞賜冠帶所居蜀鄉流寓雜處多死亡者露骸盈百

慎於鄉之六祖菴傍建義塚又置義田建家塾立祭產至今賴之

曠溥泰和人成化間捐穀一千五百石輸義倉賜冠帶旌義民里人苦旱捐田百畝濬陂導水以溉之郎中尹萬

化為之傳

俱新增

蕭迪龍泉人成化三年大饑輸穀二千石賑濟四年勸出粟賑濟迪捐穀百餘石十五年復輸粟一百石二十二

年全李丕顯丕用各出粟百餘石先後俱賜冠帶

蕭孟魁龍元珠俱永寧人成化間出穀賑荒旌為義官

劉隲良字玉山永寧人成化四年出穀二千三百石助江

南賑濟授以官固辭賜勅獎諭建坊

尹楷永寧人成化四年出粟賑饑旌表建坊

俱縣志

彭南麟萬安人出銀二百兩重修明倫堂羅欽順碑記之

劉鍾字公秀萬安人歲值饑旱出粟以賑灘水危險行者

不能濟置義渡成檜溪橋鑿高公嶺又施藥療貧民疾

有勸善錄行世

李尚朴號古風萬安人家貧好讀書嗜酒喜詩薄進取嘗

歲除乏粟猶吟咏自娛一日薄暮行野見醉人卧地身

懷多金朴扶以歸其人寤覺失措朴慰之曰勿驚道其

故而還之又一日過奕場拾金杯於道失杯者夫婦相

詬詈朴告之曰我某月於奕所得此即歸之

張元曉號景桃弟元時號杏苑萬安人並南雍謁選曉得

京衛經歷時得西域兵馬司昆弟飭躬勵行慷慨好義

置義田數百畝凡族黨迄閭里不能自存者周給之

蕭誠字景卿泰和人少孤能自樹立宏治中嘗入粟公家

賑饑例賜冠帶晚年以退逸自號羅欽順誌其墓

羅照字成鑑萬安人邑學生嗜讀書好周急扶困宏治丙

辰大荒捐粟二十餘石賑饑事聞於朝詔加冠帶

陳忠永寧人宏治七年蠲穀備荒奉旌賜冠帶立承恩坊

謝頤永寧人宏治間捐穀分貯賑濟賜冠帶

陳經貫永寧人宏治間出穀賑濟奉旌建坊立石

陳忠厚字陽鶴永寧人宏治間出穀二千一百八十石助

賑江南旌表門閭立世恩坊

尹常通永寧人宏治間運糧南京賑荒旌表建坊賜冠帶  
尹瓚字玉旒永寧人宏治間出粟賑荒勅旌義民建坊  
方宏持龍泉人宏治四年九江大祲捐穀二千石賑濟賜  
冠帶建坊

彭悱龍泉人宏治十四年饑捐穀二百石賑濟賜冠帶  
劉介禧字凝碧永新人宏治己亥邑大饑傾廩以濟事聞  
詔授宣義郎

溫秉悅萬安人嘗置義田五十畝每遇歲凶即出粟以周  
鄉閭

何廷貴號梅村萬安人為人廉峻有潛德嘗拾黃金三百  
餘訪亡金者還之報以金不受所著有賡三體并郁離  
子遺芳集

龍振麟字海日永新人太學生每荒年貴糴賤糶以賑饑  
人負者即焚券又助賑浮玉閣田租三百桶

帥朝達陳雍永豐人正德間輸粟助賑旌為義民

胡周誠萬安人邑學宮正德庚午燬於寇誠捐銀千餘建  
置嘗拾遺金即歸遺者一夕夢神貽絳帛書堯裔二字  
後誕九男二女符其祥

郭敏道號率吾萬安人正德間歲大饑道糴穀二千餘石  
賑被一方全活無算

馮顯寧龍泉人正德四年寇亂大饑顯寧捐銀五十兩助

賑旌冠帶

羅宗鑣字贊侯吉水人邑庠生有族人亡徙在外為人螟

蛉子宗鑣鬻田往贖俾歸宗續嗣嘗催田租至永豐會

人負債將鬻妻以償即指困昇之完其夫婦俱縣志

何珙字東暘廬陵人為人有節概正德戊寅歲荒朝廷下

勸借之令珙輸穀一千餘石納善倉散賑事聞旌表新

羅英號默菴吉水人博學有守鄉族貧乏者咸賴之嘉靖

元年贛水漲溢殍者盈江干英買棺掩蓋無算又捐貲

砌謝家橋於山原里年九十六

蕭相字晴宁廬陵人嘉靖間歲大歉相出粟賑饑翰林歐

陽乾元彙其行聞於上賜冠帶

徐汀壘永豐人徐芳妍子嘉靖間捐金修學復出千石助

賑府縣獄井淤塞壘開鑿通泉并置鐵石浴盆各一造

於境平理坊聶九鳳聘妻貧不能娶壘代為完娶邑有

歿於官不能歸視者皆貲遣還鄉里人徐迪鬻子艾只

一嫁妻壘皆全之

曾自任曾自儀俱永豐人嘉靖戊子兄弟各輸粟千石賑

饑又割田百石以贍鄉都虛糧聶貞襄豹記尚義碑

聶齊二永豐人嘉靖間捐穀助賑心貧不能殮者施棺以

葬刻名旌善亭中

張宗舜字石竹龍泉人嘉靖二十五年知縣何兆麒勸賑

舜率義民歐陽雍馮宣輔蕭珂蕭濬等各輸穀五百石



賑荒並賜冠帶

羅介宗歐陽欽鏗劉廉郭賢元彭宗漢俱龍泉人嘉靖四十年各輸穀二百石賑濟四十二年復與梁朝元蕭欽襄唐時紱等各捐穀二百石賑濟俱賜冠帶

羅啟憲永豐人少食貧以勤儉起家積有餘貲即置義倉周宗族買田贍學輸粟濟邊居喪不用浮屠妻亡義不再娶

劉岳安福人嘗捐己貲浚鑿溪石數十里通舟谷西陂鄣邑交獎之又劉兆袞以田三十畝贍族黨鄒守益有記

俱縣志

何遜字中塘廬陵人慷慨重然諾好善隆慶間值歲饑發

所積貯佐守令賑濟共輸粟三千石事聞賜冠帶旌表

其閭曰尚義 新增

張祖煜龍泉人隆慶二年勸賑煜同堂叔亮義民羅介宗

歐陽栢梁朝元劉廉彭尚龍謝宗顏各輸穀二百石彭

鉅彭玠李林向等各輸穀一百石彭繼祖繼先選先等

各輸穀五十石俱賜匾額褒嘉

婁世絜吉水人萬曆十九年連歲不登前後應詔輸粟二

千石有奇詔旌坊曰尚義

王廣倫陳孔卓俱吉水人立石旌義民

孫松樓吉水人萬曆間年荒賑粟三千石

徐卿吉水人萬曆間出粟賑饑有司授以冠帶

劉三傑吉水人冠帶義民俱縣志

劉至周秦和人萬厯間捐穀二百餘石田十二畝並貯社倉備賑助修鐘樓捐田贍祭邑令唐上其事匾曰尚義之門

蕭隆樞秦和人少孤既壯克自樹居積致饒喜施與襄鄉里喪葬婚嫁濟人饑寒甚衆萬厯初建立社倉捐穀二千石實之學士康五瑞為之傳

曾裕永豐人任大同通判萬厯間輸穀賑濟進秩同知級銀建坊俱新

聶坎一永豐人萬厯間捐穀助賑修思江橋旌為義民劉汝宿號文垣萬安人士正父國學生惠施三黨為人營

殯葬辨婚嫁者不勝述從祀鄉賢

盧應台萬安人萬厯時歲饑出穀二千餘石賑之又設義館延名師勸勉鄉里子弟

吳迪進吳思撫吳思魁俱永豐人邑連歲饑荒逸等先後各出穀一千餘石助賑創立義倉貯穀濟贍萬厯戊子歲饑思魁出穀一千二百石助賑賜七品官旌表建坊思魁復出義田一百石收租貯倉賑族

帥相光永豐人邑庠生萬厯甲寅歲荒賑穀千餘石賑粥一月捐貲創本里石梁貸人不責其償年八十三邑令陸運昌舉鄉飲賓

鄒琳永豐人萬厯戊子歲大疫琳首倡輸粟助賑復計口

貸糧不責息力不能償者取券焚之邑疫癘多暴屍琳  
施棺收殮以百計入郡邑旌善亭中其先世鄒作釗鄒  
居吉鄒暘晉當宏正嘉靖間亦能助賑累世有尚義之  
風

戴希剛萬安人嘗拾遺金百許訪亡金者還之泰和胡直  
有介夫傳俱縣志

劉民望安福人邑廩生明天啟間効力史館與修神宗實  
錄授揚州同知不就嘗捐銀修橋路築鄒陂澮注數千  
畝至今受其惠著有春秋文集

歐陽兆叔安福人捐穀二百石貯義倉叔卒於滇徒步數  
千里迎骸骨歸遺弟幼孤教養成立

王應天泰和人捐穀三百斛於族貯社倉歲賑族隣之貧  
者俱新曾

劉懋綵字還白萬安人會連歲大祲施粥三載全活無算  
縣志

劉週字繼卿萬安人生平好善能分財賑殍掩骼設漿治  
橋梁道路不遺餘力有李具顯者病且死子幼盡籍其  
田廬屬之週曰平居未接杯酒懼地且遠奈何以妻子  
託顯泣曰小人知君君不憐小人何也週諾之為經紀  
其家顯子既長歸所籍田廬人貸金不能償即焚其券  
後從諸先生長者問學建梅陂書舍歲時講會族里愈  
嚮慕之府志

朱奇鳳永新人今隸蓮花廳捐穀賑濟旌表義民 新增

羅如邦號魁宇廬陵人崇禎初詔民賑邊如邦首倡急公  
邑令張請於上給冠帶族人未成室者助之聘不舉火  
者賑以粟歲荒設糜以食饑者

劉良賓廬陵人家非素封而喜為義鄉中貧乏者輒周給  
之天啟崇禎間軍興需餉詔民捐金賑邊良賓以所積  
千金盡輸之賜六品官建揚善坊 俱縣志

劉文渤安福人今隸蓮花廳崇禎庚辰大旱出米十斛為  
糜以食鄉人存活甚衆後復置義田二千以為久計同  
里劉渤有記 廳志

歐陽德安福人嘗立義學訓族人子弟甲申歲荒為粥於  
路存活甚衆田糧出納置一木錠抵三升收則置罍中  
發置量外人以此呼木齋

王偉生安福人少力學率子弟講約敦行歲大荒推食活  
衆其先世有學所者設義田療饑偉生復捐百五十畝  
廣其惠鄉村近江畔者多衝決率衆築長堤植柳捍禦  
民享其利

彭德教字平吾安福人年十七補諸生家故貧一日見白  
羊入廚逼視之乃窖金也德教仍掩而弗取夢朱衣人  
語以天賜當推以廣惠乃取之授寒者衣給饑者食代  
償積逋以全人夫婦窖金盡乃已

張汝珍號崑白永豐人少孤力學嘗捐貲全人妻發粟賑

荒助義田立約所建塾館崇禎九年奉徵辟巡按劉宗祥薦舉二十九人珍預焉

劉希昱號振宇萬安人性喜讀書私淑王守仁遭父母喪皆廬墓終制置義倉立義塾分田租以贍人甲子大饑龍泉民變邑民將效之昱悉出穀以賑民變以息邑令申芝芳聞其事表其居曰今之更老是卒會葬者千餘人

袁日炳字海曙萬安人邑庠生置義穀二百石每遇凶荒出以賑恤全活甚衆

郭來復號首龍萬安人嘗重修梅陂灌田千畝晚歲過青原同諸老衲掘地得故碑前代重修僧與來復同名因

慨然任之大啟梵宇為王思任所推

俱縣志

以上俱善行

附列

陳坦廬陵人生平孝友尤急於義嘗收養族孤子女捐金周急多至數百兩修吟溪橋出穀二千石鄉人義之物

表未詳  
朝代

饒成彥蕭煥圭聶萬紀聶廉夫楊子最李德宏郭輔友饒

最纏吳篤範俱永豐人

一作俱廬陵人

正統六年各輸穀二千

五十石以備賑濟旌為義民

胡有初王文子蕭文志龍在霄藍處彝李維霖龍從霖蕭萬里周恂友俱吉水人正統間出粟賑濟巡撫韓雍先後聞於朝詔旌尚義坊

蕭襄曾存道楊彥實郭仕先楊孟辯郭東維陳允中樂象  
明陳繼宗康從裕俱泰和人正統間出穀貯倉事聞勅  
旌

劉祖貴曾子愚郭宜英胡縉武胡昇胡榮武陳謙俱廬陵  
人正統景泰間閩粵兵興應詔出粟多至二千餘石署  
以郎散秩賜璽書褒異

徐孜敏徐仕貴徐孜顏趙孚顛曾仁吳守泰俱永豐人景  
泰天順成化間俱輸粟助賑旌為義民

楊子佩楊之所蕭元常袁叔升郭祖忠蕭本器劉從堅尹  
資雅嚴所溫楊敏異楊廷暹蕭季廉蕭德曼陳公俊梁  
郁林羅季琰李漢俱泰和人景泰間勅旌義民

徐叔昊羅爾輔袁克仁蕭季林康惟進俱泰和人景泰間  
以惠恤立石題名

蕭行廣嚴冠仰康從昭朱九漢龍士唯蕭杲尹彥斐龍士  
宏楊介王宜久劉叔裕蕭希道楊珙陳橋劉謐劉瀾彭  
公望郭公瓚曾望泰李德郭誠曾之雅曾與樸龍士越  
蕭希進蕭用鑾龍叔極張鑑尹方大楊光緒陳元寧彭  
威蕭希昇羅甫益胡敬劉閻曾時詢郭聰喻遵劉仲固  
梁倫朱九卿羅叔備劉洙俱泰和人成化間冠帶義民  
嚴琬陳志浩郭貫王仁敬劉溫楊啟節劉世賢楊顯高郭  
奇曜王宏恭王天綱劉元貴蕭世清楊啟郭俊蕭正綱  
楊琛蕭景卿龍廷明曾文達劉時升胡大縉蕭希遵郭

羽祖曾徽朱季迪曾正元蕭希淵曾會康從本俱泰和  
人宏治間冠帶義民

尹坤寧袁仲箎聶仕璩蕭永吉郭崇鼎郭時顯李芝禎曾  
善家陳良倚曾善冕羅應培俱泰和人康熙志續增前  
明惠恤

江汝貞蔡清穆徐元俱吉水人正德間出粟助賑旌為義

民以上俱  
縣志

張敬王孔楨吉水人縣志王環泰和人縣志張尚修王尚貞王

秀劉永和豐裕張愷劉蘊趙溥周爾伋顏翼之郁履雲

郁鵬卿俱安福人縣志李彬徐芳盛張謙亨徐可及姚騰

甫曾天然王伯彥曾魁俊徐郊徐昭俱永豐人縣志劉一

陽蕭以光郭榮亮温貫儒劉慕道劉希伋曾遠安胡應

賓郭來泰劉令德燕以懋曾大猷劉懷舜周開先劉崇

堯温仁之郭遵陳懋修朱齊諒劉漢仕張如岳朱運用

李望越俱萬安人縣志龍氏謚永寧人縣志彭恂曾挺立劉

昌錄劉應春劉世普俱廬陵人縣志賀志美李福遵俱永

新人縣志文琳龍泉人縣志以上皆好善喜施

卷五十一終





